

ՊՈՒՐԳԵՆ ՄԱՀԱՐԻ

ԵՐԿԵՐԻ ԺԱՂՈՒԼՈՒՄ

Գ ԵՆԿ ԿՍՏՈՐՈՎ

«ԱՅՄԱՏՄԵՆ» ՀԱՏԱՐԱԿԻՄԻՅՈՒՄ  
ԵՐԵՎԱՆ



Մ 19

Ար 2

ՀԱՄԵՍ ԻՄ ՎԱՍՏԱԿՑ՝ ՎԱՍՏԱԿԱՎՈՐ ԿՅԱԼՔԻ  
ԸՆԿԵՐ ԱՆՏՈՆԻՆԱՅԻՆ.

Գ. ՄԱՀԱՐԻ

Гурген Григорьевич Маарн

СОБРАНИЕ СОЧИНЕНИЙ В ПЯТИ ТОМАХ

Том II

(На армянском языке)

Издательство «Айастан»

7—3—3 Ереван, 1967

# ՄԱՆԿՈՒԹՅՈՒՆ



Մանկություն իմ ոսկեծամ,  
մանկություն իմ, որ անցար  
նոր ծլած արտից...  
Գ. Մ ա հ ա ռ ի

Երազյու թրակ

## ՈՐՊԵՍ ՆԱԽԱՐԱՆ

Ճիշտ է, որ մարդիկ այն ժամանակ են սկսում մտածել իրենց մանկության մասին և հուզվել նրանով, երբ ծերացած են լինում... Չեմ կարծում: Ես միշտ էլ հուզվել եմ իմ մանկության հիշողություններով, միշտ մտածել եմ այդ երազային օրերի մասին և հիմա, երբ դեռ երիտասարդ եմ, ուզում եմ գրել այդ, նորից կրկնենք, երազային օրերի մասին:

Տարիները աղոտել են շատ բան. օ՛, այո, շատ գծեր են ջնջվել և շատ պայծառ դեմքեր մշուշվել: Ես ուզում եմ փրկել մնացածն ու հնարավորը իմ մանկության խորասուզվող ոսկե մակույկից:

Մի ժամանակ ես մտքիս մեջ դուրս էի գալիս մեր տնից և ուզած ուղղությամբ գնում էի Աճեմ-Խաչոյենց տուն, կամ Սահակ-Քեյի փոսը: Ես մանրամասն պատկերացնում էի յուրաքանչյուր տունն ու ծառը, յուրաքանչյուր փողոցի ճյուղավորումներն ու նրանց հեռուն:

Զմի-զմի մաղարան տեսնում էի ափիս մեջ, Համուդ-աղայի դշլան՝ ինչպես սեղանիս վրա դրված ահա այս թանաքամանը. հիմա ես շատ բան եմ շփոթում, ու շատ գծեր են մթնել հիշողությանս կապույտ քարտեզի վրա...

...Ինձ մնում է փրկել մնացածն ու հնարավորը: Հիշել եմ ուզում, վերհիշել և գրել, գրել հեշտ և թեթև, գրել և զգալ, որ քունքերս խփում են ներքին հուզմունքից, գրել անմշուշ, պայծա՛ռ, պայծա՛ռ, այն քաղաքի երկնքի նման, ծովի կապույտի նման, այգեստանների կանաչի ու լուսնկա գիշերների խորության նման:

Գրել:

## 1. ՄՈՒՏՔ

Առաջին բանը, որ ես հիշում եմ, մորս թանաքոտած ստինքներն են: Ես չեմ հիշում, թե ինչպես այն ժամանակ մայրս պատճառաբանեց իր այդ անթույլատրելի քայլը, չեմ հիշում և այն, թե ինձ բավարարեցի՞ն նրա բերած փաստարկումները, թե ոչ... Բայց հետագայում, երբ ես մեծացա, ականատես եղա փոքր եղբայրներիս նմանօրինակ ճակատագրին, պարզվեց, որ այդ մայրական ներկարարութունն անհրաժեշտ մի ակտ էր, որպեսզի արդեն որոշ տարիքի հասած և դեռ մայրական կաթի վրա համառող երեխաներին հիասթափեցնեն կաթի աղբյուրներից: Այս, ըստ երևույթին, մեղմ, դիվանագիտական միջոցը, սակայն, ինձ վրա պետք է որ ահռելի տպավորություն թողած լինի, — ահա թե ինչո՞ւ դա դարձավ իմ առաջին հիշողութունը:

Սակայն այդպես շպատահեց փոքր եղբորս հետ, երբ մայրս նրա համար թանաքոտեց իր ստինքները և համապատասխան կոմենտարիաներով ներկայացրեց նրան («էլ շուտես, շուտես, փի՛ս ի, փի՛ս...»), նա առանց այլևայլության հարձակվեց ստինքներից մեկի վրա և շրթունքներով բռնեց: Սրա արդյունքն եղավ այն, որ մեր հիմարիկի շրթունքները թանաքոտվեցին:

Այն ժամանակ ես մտքիս մեջ նրան անգիտակից և անխելք համարեցի, որ շկարողացավ ինձ նման ըմբռնել ընկեր լրջութունը և հրաժարվել կաթից: Բայց հետագայում, երբ նա մեծացավ և դարձավ հանդուգն կոմերիտական, ես հասկացա, որ նա՝ փոքր եղբայրս, ոչ թե շհասկացավ պատահածը... օ, ոչ, նա պարզապես դրանով ուզեց ասել. «Զես վախեցնի ինձ քո ներկերով, ես կաթ եմ ուզում և պիտի ուտեմ...»:

Մորս թանաքոտած ստինքներից հետո ինձ համար բացվեց մի նոր շրջան, և ես սկսեցի ունենալ կոնկրետ և յուրատեսակ պատկերացում ինձ շրջապատող մարդկանց և իրերի մասին:

## 2. ԻՄ ՏԱՏԸ

Քե ինչո՞ւ իմ մանկական տարիների մեծ մասը ես ոչ թե մորս մոտ, այլ տատիս մոտ անցկացրի, այս մասին գրելը շատ երկար կլիներ: Կասեմ միայն, որ շաբաթվա մեջ հազիվ մի երկու օր հյուր գնայի մեր տուն. մնացած ժամանակը ես ապրում էի տատիս մոտ: Մայրս ինձ համար Անուշ էր, տատս՝ մայրիկ, նրանց տունը՝ «մայրիկանց տուն»... Քեռիս տարվա մեջ միայն ձմռան ամիսներին էր լինում տանը. մնացած ժամանակ նա գյուղ էր գնում և մի կողմից տնտեսությամբ էր զբաղվում, իսկ մյուս կողմից, ինչպես տատս էր ասում, «դաշնակ կոմիտե էր»...

Մայրիկանց տան այգու դռան դիմաց մի վիթխարի բարդի կար կանգնած: Կնստեր տատս նրա մոտ, կգործեր գուլպա և կպատմեր ինձ դանազան հեքիաթներ: Հիշում եմ, որ նրա հեքիաթներից մեկը կարողացավ ինձ լացացնել: «Ջամրիլ-Ֆրոշ» էր կոչվում այդ դարմանալի հեքիաթը, որի բովանդակությունը, սակայն, չեմ հիշում...

Տատս ամեն օր, օրվա մեջ մի քանի անգամ, խոստանում էր ինձ՝ 15 տարեկան դառնալուս պես պսակել. այս ասում էր նա այնպիսի գորովոտ գուրգուրանքով, որ ես մի օր տատիս բավականություն պատճառելու համար ասացի, որ այս հասակիս մեջ էլ պատրաստ եմ պսակվելու, և որ կարիք չկա սպասել մինչև 15 տարեկան դառնալու: Իմ այս ծայրահեղ անձնվիրությունը, սակայն, ոչ մի հաջողություն չունեցավ, և ի մեծ զարմանք իմ, տատս սկսեց օգտագործել այս փաստը դրացի կանանց մոտ և ծիծաղել ու ծիծաղեցնել ինձ վրա... Այնուհետև ես իմ առաջարկությունն այլևս չկրկնեցի հակառակ տատիս, որը նույն եռանդով շարունակում էր կրկնել:

— Տասնհինգ տարեկան որ էլավ, իմ Գուրիաին կպսակեմ...

Հետաքրքիրն այն էր, որ նա իմ մասին խոսում էր երրորդ դեմքով, կարծես այդ ամենը ոչ թե անմիջորեն ինձ էր վերաբերում, այլ այդ ամենն ասում էր նա ինձ ի գիտություն, մի ուրիշ մարդու մասին...

Տատիս անունը Յուզարեր էր: Հետագայում, երբ ես սո-

վորեցի բարդ բառերի և նրանց կազմութիւնների մասին, տատիս անունը շատ անգամ վերլուծեցի, բայց ոչ մի եզրակացութեան չեկաւ: Հասակակից կանայք նրան Օղիկ էին ասում պարզապէս, իսկ երիտասարդ հարսները՝ Օղի խաթուն: Թե ինչո՞ւ այդպէս անողոք կերպով կրճատում էին նրա անունը այն էլ կրճատված անվան վերջին տառը և այդ բարեհամբույր պառավին անգիտակցաբար վերագրում մի խելագարեցնող խմիչքի անուն, ես այդպէս էլ շհասկացաւ: Յուզարերի հետ մինչև հիմա էլ շեմ հաշտվում, բայց ահա Օղիկ... լավ է ասված, իսկապէս նա մի փոքրիկ, փայլուն օղ էր իմ մանկական հիշողութիւնների շողշողուն շղթայում...

Տատս ինձ սովորեցրել էր մի քանի աղոթքներ: Բացի աղոթքներից, նա գիտեր նաև կրօնական բանաստեղծութիւններ: Դրանցից մեկը ես հիշում եմ: Գուլպան ձեռքին, նա արագ-արագ գործում էր, տող-տող ասում յուրօրինակ եղանակով, և ես կրկնում էի.

Ինչ անթառամ ծաղի՛կ ե՛ս,  
վարդի նման հոտով ե՛ս,  
փո՛ւնջ մանուշակ ազնիվ ես,  
Աստվածածին, մեղա քեզ...

Այս անսովածածին մեղա քեզ»-ը կրկնում էր բոլոր տների վերջում, երեք տող մի կերպ ծամծամում էի տատիս հետ, շորրորդին բարձրաձայն հպարտութեամբ վրա էի տալիս.  
— Աստվածածին, մեղա՛ քեզ...

Ամառային արևը կկանգներ ուղիղ զենիթում (երբ ես դեռ փոքր էի, արևը մե՛ծ, շատ մե՛ծ էր...), ու մի թանձր լուծութիւն կխտանար շուրջը: Տեսար՝ մի բզեզ թռավ, և նրա բզզոցը լսվեց օդում միլիոնավոր բզեզների թևերի բզզոցի ուժգնութեամբ, կամ մի թեթև հովից Այգեստանի ծառերի տերևները շրջվեցին, և լսվեց այդ ձայնը ծովի ալեկոծութեան պէս սլիք-ալիք թավալումով:

Օրվա այդ պահերին այգու դռանը կանգնած վիթխարի բարդին ավելի երկար էր թվում ինձ և ավելի ուղիղ: Այնժամ տատս աչքը կբարձրացներ վեր և կասեր.

— Կեսօրվա դիւան կայնե...

Ի՞նչ բան էր այդ «դիվանը», ես իսկի շհարցրի, հիմա էլ չգիտեմ նրա նշանակութունը: Մի միստիկական բան էր թվում ինձ այդ, մի ֆանտաստիկ տպավորութուն էին թողնում ինձ վրա տատիս այդ խոսքերը, և ես շէի հարցնում, որովհետեւ ինձ թվում էր, որ գիտեմ դրա նշանակութունը...

— Կեսօրվա դիվան կայնե...

### 3. ՀԱՅՐՍ

Հիշում եմ, որ մեկը մեռավ, թե՛ սպանեցին, թե՛ իրեն սպանեց:

— Աճմոնց պարոն Քրիքորը...

— Քո խոր՝ քեռիդ սպանեց,— ասաց գրեթե շշնջալով՝ ինձանից մի քանի տարով մեծ, մեր դրացի Մերունը:

— Ինչի՞...

— Դղեզ, շե՛ս գիտե, հերդ արմենական էր, քեռիդ՝ դաշնակ:

— Բա քո խե՞րն ինչ ի...

— Հնչակ...

Հնչակ, դաշնակ, արմենակ,— միայն ա՛յս մնաց հիշողությանս մեջ, այս եղբրական զրույցից:

Բայց մի անգամ ես մորս հարցրի.

— Քրիքոր աղեն դո՞ր ի...

Նա պատասխանի փոխարեն արտասվեց, մեծ ցավ պատճառելով ինձ, Չեմ մոռանում, ծս նայում էի մորս դեմքին, նրա արցունքներին, ու նա փոքրիկ աղջկա պես էր լալիս: Հիմա էլ նա ինձ այդպես է պատկերանում և այդ իզուր շէմայրս շա՛տ մանկամարդ էր, երբ հայրս թողեց աշխարհը...

Մի անգամ, երբ ես մայրիկանց տանն էի և նիրհում էի տաք քուրսու տակ, մտածում էի այն մասին, որ դրսում ձյուն է գալիս և որ հարկավոր է անպայման դադարելուն պես մոխիր տանել, ցանել այնտեղ, ուր ծաղկում են բարդիսարախներն ու զամբելիները, որպեսզի ձյունը նրանց վրայից շուտ հալչի, և նրանք շուտ ծաղկեն: Ծս այս մտքերի մեջ կիսարթուն օրորվում էի, իսկ տատս գուլպա էր գործում, ներս

մտավ խուռի խաթունը՝ մեր դրացուհին, և տատիս հետ սկսեց խոսել: Ինչից սկսեցին՝ շփտեմ, բայց ահա տատս պատմեց նրան հորս մահվան խորհրդավոր մանրամասնությունները:

— Սև էլներ էն գիշեր՝ շուանար: Մունջ էսպես նստեր ինք քուրսու տակ. Տիգրան էնտեղ, Անուշն էնտեղ, Քրիքորն էնտեղ... Քրիքոր ըռովել դուս հանեց, ասաց՝ սրբեմ... դեն տար, ասի, Քրիքոր, էյ սատանի բան... ծծղաց, ասաց՝ մի վախենա, մեջ բան չկա... էդ ասելն էր, մեկ էլ՝ կըրբի... ճրագն ընցավ...

— Ճրագն ինչի ընցավ...

— Ի՞նչ գիտեմ... վառեցինք ճրագ... Քրիքոր, Քրիքոր... ձեն չի հան... գյուլլեն սրտից էր կպել... մի պուտ արուն շկաթավ... Տիգրանին բանտ դրին... արմենականներ ասին, որ դաշնակ կոմիտեն զարկեց՝ Տիգրանի ձեռքով... Անուշ վկա կայնավ, որ իր ձեռքից գնաց՝ բաց թողին...

Պարզվեց ավելի սարսափելին. աղետից հետո, երբ քրննություն է կատարվել դեպքի վայրում, մայրիկանց տան նկուղում գտել են փորված և շծածկված մի փոս. երկաթուղուց հարյուրավոր վերստերով հեռու, գավառական այդ քաղաքում լուր է տարածվում, որ այդ փոսը փորված է եղել նախապես նրա համար, որպեսզի քեռիս հայրիկիս սպանելուց հետո նրա դիակը թաղի այնտեղ:

Տատս հավատացնում էր, որ այդ ամենը սուտ է, որ, ճիշտ է, նկուղում փորված է եղել փոս, բայց այդ փոսը փորված է եղել նրա համար, որպեսզի այնտեղ թաղեն ձմեռվա համար աղած պանրի մեծ ամանները... Ես լսում էի այս ամենը և ուզում էի ճշալ... բայց ճշալու փոխարեն ես, առանց աչքս բանալու, սկսեցի հեկեկալ: Տատս կանչեց.

— Գուրիս, Գուրիս... ի՞նչ էլավ իմ Գուրիսին...

Իսկ խուռի խաթունը նկատեց.

— Քնի մեջ կուլա... Օղի՛...

— Գուրի՛ս, Գուրի՛ս, ինչի՞ կուլա իմ Գուրիս...

Այս պատմությունը, հորս եղերական մահվան պատմությունը, մնաց մութ: Երբ ես արդեն մեծացել էի, տարիներ առաջ, երբ քեռիս դեռ ողջ էր, մենք տեսնվեցինք Ռոստովում:

Նա ինձ հայտնեց, որ, ճիշտ է, գնդակը իր ձեռքից է գնացել, բայց այդ եղել է բուլտրովին պատահաբար, շար արկած և ուրիշ ոչինչ: Մենք մակույկով շրջում էինք Դոնի վրա, երբ նա պատմում էր ինձ այս ամենը: Եվ ջրի խշշոցի միջից ես լսում էի վաղուց մահացած Խուռի խաթունի հարցը.

— Ճրա՞գն ինչի ընցավ...

Մուժ:

#### 4. ՔՈՒՅՐՍ

Թե ինչո՞ւ նա խելագարվեց, շգիտեմ, բայց նա խելագարվեց տասնյոթ տարեկան հասակում, քույրս՝ Ադրինեն:

Ոմանք ասացին, որ նրան խելագարեցրեց հորս մահվան խորհրդավոր մանրամասնություններին տեղյակ լինելու և ասել շկարողանալու կակիժը, բժիշկները մի բան ասին, գլխաբացները՝ մի, և մեջտեղ մնաց իմ խելագարված քույրը՝ Ադրինեն:

Սկսեց մելանխոլիայից. հենց որ մուխն ընկներ, կգնար կնստեր տանիքը և ժամերով կնայեր աստղերին: Մայրս հառաչում էր և լռում. հետո նա ներս էր մտնում ցրված մազերով և շշմած աչքերով:

— Ի՞նչ կանիր, Ադրինե,— կհարցներ մայրս:

— Աղոթք կանի,— լինում էր պատասխանը. այսպես ամեն օր:

Բայց ահա նրա խոսվածքի մեջ նկատվեց խանգարում, աստիճանաբար այդ խանգարումը շեշտվեց ավելի, և մի օր էլ նա, խոսելու փոխարեն, կարողացավ միայն ինչ-որ հրնշյուններ բաց թողնել, ինչ-որ բան հասկացնելու համար:

Չափազանց կարճատև եղավ խաղաղ համբույթյան այդ շրջանը. դրան հաջորդեց կատաղության շրջանը, ծեծելու, փշրելու, փշացնելու, անզուսպ ցատումով լալու և ուտելու, ուտելու շրջանը: Ուտում էր գիշեր և ցերեկ, ուտում էր գազանային մոլուցքով, իսկ ով որ համարձակվեր նրան խանգարել, արճճի նման ծանր բռունցքը պատրաստ էր:

Հետո երգում էր. ի՞նչ էր երգում. հոյություն ունեցող երգերից և ոչ մեկը. ինչ-որ մելամաղձոտ հնչյուններ էին նր-

րանք, ինչ-որ երգ հիշեցնող հեծեծանքներ, որոնք ահավոր էին դառնում գիշերները:

Հանկարծ կորչում էր. փոքր եղբայրներիս հետ վազվզում էինք այս կողմ, այն կողմ, շէինք գտնում. երկու-երեք ժամ հետո մի քարի օտարական նրա ձևունիից բռնած բերում էր:

— Մի՛ թողնեք դուրս էլնի, — ասում էին նրանք սովորաբար, — խող կուտի, տղաներաց կը տփի:

Մեր թաղամասի համար մեր տունը դարձավ սարսափի տուն. մայրս հավատացնում էր, որ մի անեծք է իջել մեր տան վրա. պատմում էր նա դրացիներին, որ այդ դժբախտություններն սկսվեցին այն օրից, երբ հորեղբորս աղանձ լևտնը, սպանեց մեր ցախատան մեջ բույն դրած օձին. այդ օձը մեր տան քախտի պահպանողն էր. սպանվեց օձը, դժբախտություններն սկսվեցին մեկը մյուսի հետևից: Այդ օձը ոսկե պուպուշ (կատար) է ունեցել:

Վերջին անգամ նրան տեսա՞, թե երազեցի գաղթի ճանապարհին. մեծ ճանապարհի եղբրքին ընկել էի սարսափելի տենդի մեջ, մեծ ճանապարհը ոլորվում էր մի ձորամիջով, մեծ ճանապարհի վրայով սոսկահար փախչում էր մի ամբողջ ժողովուրդ...:

Ես լսում եմ հեռու, ծանոթ մի ձայն և ճիգ հմ անում ծանրացած աչքերս բանալու, այնտեղ, վերևում, մի քարի վրա նստել է իմ քույրը՝ Ադրիենեն, և ճշում է ու ծնկները ծեծում. դեղին արևը լերդանում է իմ աչքերի մեջ, և ես նորից ուշաթափվում եմ...:

Ես այլևս չտեսա նրան:

Ներիր, սիրելի Ադրիեն, մի անգամ ես շկարողացա ինձ դսպել և քեզ խփեցի ու փախա. և որովհետև դու համր էիր, շկարողացար այդ մասին գանգատվել:

Դու սև աչքեր ունեիր և ունեիր գեղեցիկ հասակ, դու աշխարհ եկար և ունեիր իրավունք ապրելու, սիրելու և սիրվելու, բայց հենց կյանքիդ արևոտ առավոտյան, քո կյանքը դարձավ մի զարհուրելի գիշեր: Քո եղբայրը դեռ ապրում է, սիրելի Ադրիեն, բայց նա շի մոռացել քեզ. նա կցանկանար, որ դո՛ւ էլ հասնեիր այս արևոտ օրերին...:

Իմ քույր, Ադրիենե՞...:

## 5. ԽՈՐՀՐԴԱՎՈՐ ԳԻՇԵՐՆԵՐ

Ես լսում եմ տատիս ձայնը. նա արթնացնում է քեռուս.

— Տիգրա՛ն, Տիգրա՛ն...

— Ի՞նչ ի...

— Էլի՛, շներն էկան:

Լեյզու դուռը ծեծում են կամաց, շատ կամաց. ես վեր եմ  
թռչում, վազում եմ դեպի պատուհանը և նայում եմ դուրս,  
դեպի այգու դուռը:

Լեյնտեղ երևում են մարդկային ստվերներ:

Քեռիս արագ հագնվում է, իջեցնում է վարագույրներն ու  
վազում է ներքև, այգու դուռը բանալու: Տասու տրանզալով  
հագնվում է, իսկ ես կիսամերկ վազում եմ դուրս:

— Գուրիս, նես արե. կը մսե՛ս...

— Մայրիկ, վո՞վ էկավ:

— Կաշաղներ... եթիմներ...

Նրանք բարձրանում են սանդուղքներով, մեկ, երկու,  
երեք, չորս, քանի՞սն են. գալիս են ծանր ու դանդաղ, կար-  
ծես գեանի տակից են բարձրանում...

Նիհրս են մտնում նրանք, մեծ-մեծ փափախներով, խա-  
չաձև փամփիշտակալներով, ոտից մինչև գլուխ զինված և  
դարձուրելի: Նրանք ուրախ-ուրախ խոսում են, ազատվում  
են զենքերից, հանում են «ջգմաները», փափախները... է՛.  
փառք աստծու, հիմա կարծես նրանք մի քիչ մարդու նման  
դարձան: Նրանցից մեկն իր փափախը դնում է գլխիս, փա-  
փախն իջնում է մինչև վիզս, և ես շնչասպառ եմ լինում...

Հետո լսում եմ շուրջս անուններ, անուններ ինձ վաղուց  
ծանոթ, որոնց կրողները եղել են ինձ համար լեգենդար անձ-  
նավորություններ. Սարգիս, Իշխան, Արամ, Կոմս... Իշ-  
խանն ինձ դնում է իր ծնկների վրա, ատրճանակը տալիս է  
ձեռքս և բացատրում, թե ինչպես պետք է «կռակել». նա բո-  
լոր Ե-երը ու է արտասանում, և այդ թողնում է ինձ վրա մեծ  
տպավորություն:

Ապա թե քեռիս տատիս աչքով է անում, իսկ տատս՝ ինձ.  
Ես բռնում եմ նրա ոսկրուտ ձեռքը, և մենք՝ ես ու տատս,  
սանդուղքներից վար ենք իջնում. նրանք մինչև լույս մնում

են այնտեղ, փակ դռների և պատուհանների հետև, խոսում են, վիճում, ծրագրում:

Ա՛խ, տեսնես ինչ են ծրագրում...

Հիշում եմ, մի ավելի բազմամարդ ժողով էր. այնտեղ էին նաև «ղաշաղները» քաղաքացիական շորերով և ֆեսերով: Այդ օրը շգիտեմ ինչպես և ինչու ինձ մոռացել էին դուրս ուղարկել. կար նրանց մեջ մի անձնավորութուն, որ ամենից շատ ինձ հետաքրքրում էր. նիհար, սև-սև մի մարդ էր նա, փոքրիկ նեղ աչքերով և ծխից դեղնած ատամներով: Նա անդադար ծխում էր և չէր մասնակցում վիճարանություններին. այդ մարդն իմ ուշադրության կենտրոնն էր այդ օրը ոչ առանց հարգելի պատճառի. մի քանի օր առաջ, երբ ես դպրոցից տուն էի վերադառնում, փողոցում հանդիպեցի այդ, այո, իսկ և իսկ այդ մարդուն. շգիտեմ ինչու ես կանգնեցի ու սկսեցի նրան նայել. նա եկավ, հավասարվեց ինձ, առաջ անցավ, իսկ ես չէի կարող հայացքս բաժանել նրանից: Մի մութ և հետաքրքիր բան կար նրա դանդաղ քայլվածքի, ձևերի մեջ. ահա նա առաջ է գնում, ձեռները տեղավորած շալվարի գրպաններում և գետնին նայելով: Հազիվ տասը քայլ նա հեռացել էր ինձանից, երբ հանկարծ պատահեց մի անսպասելի բան. նա ետ դարձավ և երկու քայլ անելով դեպի ինձ՝ ատամների միջից ֆշշաց.

— Շան լակոտ, ի՞նչ կիրիշկաս... — ես ճշացի և սարսափահար լացով փախա ու երբ բավականին հեռացել էի նրանից, դանդաղեցրի քայլերս և շարունակելով լացս՝ տո՛հ հասա ու տատիս պատմեցի եղածը՝ լացի համապատասխան հավելումներով:

Տատս մտնելով իմ դրության մեջ, ինձ խաղաղեցրեց վարձատրեց իմ տառապանքը մեղրածոր փախչավայով:

Եվ ահա այդ մարդն էր, որին ես անսպասելիորեն հանդիպում էի ժողովում. ես վախենում էի երկար նայել նրան, բայց չէի կարող շնայել: Ի՞նչ կար նրա մեջ ուշագրավ, ես մինչև հիմա էլ չեմ կարող վերականգնել: Եվ երբ մորեղբայրս դրադված էր գլանակ փաթաթելով, ես մոտեցա նրան և շնչալով հարցրի «սև մարդու» անունը.

— Խոան, — պատասխանեց նա և շգիտես ինչու անհան-

գիստ նայեց նրա կողմը. նա լուռ ծիսում էր և լարված ուշա-  
դրութեամբ շտամ:

Ես վար եմ իջնում, գնում եմ պարտեզ և նստում եմ  
թթենու տակ. ապոնակները թուփ ճաշակելիս նրանցից հա-  
տունները շին դիմանա նրանց կտցահարութեանը և վար կընկ-  
նեն ինձ համար:

Առաջին թուփը վար ընկավ, իսկ ապոնակը, թևերը թա-  
փահարելով, փոխեց իր տեղը:

## Յ. ՎԱՆՔԸ

... Զանդի զոզանց եմ հիշում,  
նեղ արահետ, անտառ, շուն  
ու դառներ ճերմակ,  
անհուշ լեռան մի ուսից,  
բարձրացող վանք ու լուսին,  
և ինչ-որ վրան...

(«ԵՆԵՆՔ ԲԱՐՈՂԻ», Գ. Մ ա հ ա ռ ի)

Հայոց ձո՛ր, Հայոց ձո՛ր...

Այնտեղ, մի բլրի վրա նստած էր խեբի անգամբ լան-  
քը. այնտեղ կարկաչեցին իմ մանկութեան լավագույն օրերը:

Մորեղբայրս գնել էր վանքի բուրբ կալվածների երեսը  
երեք տարով, պահում էր հոտեր ոչխարների և կովեր էր  
պահում առողջ կրծքերով:

Հենց որ գարունը բացվեր, տատս կնստեր ձի, մի գլու-  
ղացի կրարձրացներ ինձ, կղներ՝ ձիու գավակին, հետո կբռո-  
ններ սանձից ու կընկներ ձիու առաջ. այսպես մենք կանց-  
նեինք դաշտեր և բլուրներ, նորից դաշտեր և բլուրներ,  
կանցնեինք գետը խոշարա, գլուղն Աստվածաշեն և կհաս-  
նեինք վանքի պարիսպներին:

Մի շուն կհաչեր, հետո կբացվեին վանքի դարբասները, և  
մենք կմտնեինք վանքի բակը:

Մյուս օրը ես ձեռնամուխ եմ լինում շրջապատիս ուսում-  
նասիրութեանը: Նախ մտնում եմ ~~եկեղեցին~~ ~~և նշուք~~ խոտանի  
խորրից նայում է աստվածամոր նկարը, ~~և նախ~~ ~~թևեր ձեռքերում~~ ~~եկնու~~

խորան և շոշափում եմ նկարը. հետո ինձ թվում է, որ մեղք գործեցի, և իջնում եմ խորանից: Գնում եմ վանքի պարտեզը, հավաքում եմ ծաղիկներ և թարմ ճյուղեր, բերում, դարդարում եմ աստվածամոր նկարը: Երբ վերջացնում եմ արդու-դարդը, ուղղում եմ նորից շոշափել նրա դեմքը, մի մատով դիպչել նրա կրծքին, բայց չգիտես ինչու սկսում եմ դողալ. ես դուրս եմ փախչում եկեղեցուց:

Վանքի դռան վրա կանգնել է մի գյուղացի՝ արտասովալի աչքերով, և ինչ-որ բան է խնդրում տատիցս.

— Ասա՛ վանահայր Տիգրանին...

Կես ժամ հետո գալիս է «վանահայրը», սպիտակ, լայնեզր գլխարկով և սևացած դեմքով:

— Տիգրան,— դիմում է նրան տատս,— դու աստծուց շե՞ս վախենա...

— Ի՞նչ կա,— զարմանում է քեռիս:

— Ցավ ու շոռ կա... էդ խեղճ մարդկանց ինչի՞ զոռով զենք առնել կուտաս:

— Քո բան չի...

— Դու աստված շունես,— վրդովված բացականչում է տատս,— էն խեղճ Ավդոն ունի-չունի՝ երեք էժ ունի, դու կպել ես, թե՛ ծախի, զե՛նք առ...

— էնպես էլ սպիտի անի...

— Ապա ի՞նչիս ասլրի, եթի՛մ, կնիկ, մեր, մանուկ...

— Կոմիտեի որոշումն ի... մի՛ խառնվի կոմիտեի գործերաց...

— Պրիշակ դառնա էդ կոմիտեն,— անիծում է տատս և դուրս է գալիս սենյակից:

Մի օր էլ ամբողջ վանքը կանգնեց ոտքի...

— Իշխան, Արամ կուզան:

Եկան նրանք և լցվեցին վանքի սենյակը:

Ես փնտրեցի նրանց մեջ խորհրդավոր խոսակցի և շատա՛ ժողով: Քեռիս խոսեց այն մասին, թե ինչքան զենք է ծախված, քանի հոգի են գնել, քանի հոգի՞ ոչ:

— Ովքե՞ն են զենք շահողները.— հարցրեց Իշխանը՝ բարակ բեղերը ոլորելով:

Քեռիս կարդաց երեք հոգու անուն:



բով... կատանար «կարն մոտել»... իմացեք, որ Տաշնակցության կամքը կամք է, խոսքը՝ խոսք...:

Հետո ոչխարներ, գառներ, հավեր մորթվեցին, և բաղմատանը խումբը վանքի ծառապատ այգում նստեց ճաշի:

Ես մոտեցա քեռուս և բռնեցի նրա փեշից:

— Տիգրան աղա, դո՞ր ի քն խոանը:

Նա սիրով կամթեց իմ թուշը և ասաց.

— Գնա, Իշխանը կասի, — և ժպտալով նայեց Իշխանին:

— Հը, Գուռգեն, ի՞նչ կա... ե՛կ ինձ մոտ:

Ես ներքին դժկամությամբ մոտեցա նրան, դեռ ծեծվող գյուղացու մղկտոցն ականջիցս դուրս շէր եկել:

— Խոան դո՞ր ի, — գրեթե շշուռջով հարցրի ես:

Նա բերանը մոտեցրեց ականջիս և փսփսաց:

— Նոան, այ, քն մառզն սպանեց... — Եվ ցույց տվեց կոճա Դավոյին:

— Ինչի՞, — հարցրի ես սարսափահար:

— Մատնիչ էո, — եղավ պատասխանը:

— Աստված կպատժի ինոր, — հաստատ հավատքով ասացի ես:

— Աստված չկա, — պատասխանեց նա և բարձր ծիծաղեց:

Տատս ներս ու դուրս էր անում և շէր դադարում կոմիտեին անիծելուց:

— Մայրիկ, — կանչեց Արամը, — դու հնչա՞կ ես, դաշնա՞կ, թե՞ արմենական...:

— Իրեքն էլ խո՞ղ, — պատասխանեց տատս և առանց նայելու նրա երեսին՝ հեռացավ:

Խումբն ուրախ ծիծաղեց:

Իջավ վանքի կապույտ իրիկունը, և ծառերի կատարներն օրորվեցին:

## 7. ՀԱՍԱՐԱԿԱԿԱՆ ԱՇԽԱՏԱՆՔ

Իմ հորեղբայրը՝ Պանտիշը (նրա մասին ես կգրեմ մի ուրիշ անգամ, որովհետև նա բացառիկ հետաքրքիր անձնավորություն է), արմենական էր, արմենականներ էին նաև

Ինքն զրացիները: Երանց տղաներն իրենց հայրերի օրինակով իրենց «արմենական»-ներ էին համարում: Մեր թաղի մանուկների միասնական ճակատը ես խախտեցի անկախ իմ կամքից, որովհետև քեռանց տան մթնոլորտից ամեն անգամ ես տուն էի վերադառնում ավելի և ավելի «զարգացած»: Մեր թաղի մանկական մասսան՝ Վարդանիկ, Ոստանիկ, Գառնիկ, Հարեղբորս՝ Պանտիչի տղաներն ու նրա զաղափարակա՛ն ժառանգորդները, Հրանտ, Երվանդ՝ մյուս կողմից, Տրդատ, Միհրզաթ՝ երրորդ կողմից, Սուրեն, Խորեն, Վաղգեն՝ սրանք էլ ուրիշ մի ֆրոնտից կազմում էին անհողողող արմենականների առաջավոր ջոկատը. շնորհա՛նք ասելու, որ վերս հիշված անուններից նույնահնչյուն վերջավորություն ունեցողները եղբայրներ էին ընտրել որքան հնարավոր է նույնահնչյուն անուններ,— այս ամեն մի ծնողի մտահոգությունն էր.— այսպես նաև կային քույրեր՝ Թագուհի, Մաքրուհի, Արրուհի, կամ նորից քույրեր՝ Մայիս, Ալիս, Իրիս... Հայկանուշ, Վարդամուշ, Սիրանուշ... կամ սրբերի անուններով՝ Հոփիսիմե, Գայանե, Շողակաթ, Հովհաննես, Մկրտիչ... Իսկ երբ առաջին անգամ վանում խաղացին «Հին աստվածները», օրորոցները լցվեցին լացող Սեղաներով...

Այն տարին ես վանքից վերադարձա հույժ «զարգացած», Հանդիպեցի իմ ընկերներին և կարոսի ածուի թմբերի վրա նստոտած՝ ես տվի իմ բացօթյա դեկուցումը Իշխանի թաղայության մասին, մեկը շինելով տասը: Մտքերի փոխանակության ժամանակ Վարդանն այն կարծիքը հայտնեց, որ «ամկավար Սեպուհը պակաս քաջ չէ, և եթե Իշխանն ու Սեպուհը «պյուլաշ» բռնեն, անկասկած Սեպուհն Իշխանին «կդրխկացնի»։ Իմ պատասխանում ես փշեցի այն միտքը թե՛ իմ ներկայությամբ քսան հոգի թափվեցին Իշխանի վրա, Իշխանը հեռվից գետին գցեց: Ակտիվ հակադաշնակցական Վարդանը խորին համոզմունքով հայտարարեց.

— Աստված որ ուզի, Իշխանին ձմերուկ կդարձնի...

— Աստված խո արմենական չի...

Նրանք ծիծաղեցին իմ տգիտության վրա. մի քանի անհերքելի փաստերով սպառցուցեցին... որ աստվածը թունդ արմենական է:

Մի րոպե, և միտքս լուսավորվեց.

— Աստված չկա, — արհամարհանքով ասացի ես և կեղծ հանգստությամբ ոտքի կանգնեցի: Այս աղետավոր լողունգն ամպրոպադղորդ աղղեցություն թողեց փոքրիկ ժողովականների վրա: Սկսեցին առարկել և հայհոյել: Երվանդը դիսկուսիոն կարդով այն կարծիքը հայտնեց, որ հարկավոր է ինձ մի լավ ծեծել. այս կարծիքն արժանացավ ընդհանուր հավանության, և մինչդեռ նրանք պատրաստվում էին խոսքից գործի անցնելու, ես տուն փախա:

Այդ օրվանից ևս ենթարկվեցի տնային բանտարկության. դուրս չէի կարող գալ, որովհետև նախկին ընկերներս փայտերը ձեռներին շրջում էին քակում և պատշգամբում, իրենց մտադրությունը պուխ բերելու համար: Այդ դեռ բավական չէ. այդ մութ ուժերը եղելության մասին տեղեկացրել էին «բարձրագույն իշխանությանը». նրանք գնացել, իրենց մայրերին պատմել էին իմ հակակրոնական ելույթի մասին, նրանք էլ ջոկ-ջոկ բռնել էին մորս և նրան պատմել. արդյունքն այն եղավ, որ Անուշը մասամբ իրագործեց հակառակորդներիս ծրագիրը:

Բայց հակառակորդներս չէին հանգստացել. նրանք շարունակում էին նույն եռանդով հետապնդել ինձ: Վերջապես մի օր էլ, համբերությունները հատած, եկան փայտերով զինված և պաշարեցին սենյակը, նրանց մեջ նաև եղբայրներս՝ Սուրենն ու Խորենը, որոնք ուզում էին միջնորդություն հարուցել ներումն ձեռք բերելու համար... բայց իզուր... իմ հակառակորդներն անդրդվելի մնացին:

— Գուրգեն Աճեմյան, դուրս արե, թե չէ՝ պատուհաններ կսխկենք, — լսվեց Արմենակ Եղարյանի ուղղափառ որդի, շար և կովարար Գուրգեն Եղարյանի սուր ձայնը:

Իմ դրությունն աննախանձելի էր:

Վտանգի րոպեին մարդս հնարագետ է դառնում, ո՛ւր մնաց... հեղափոխականը... Ես բացի մայրիկիս օժիտի սընդուկը, հանեցի այնտեղից հայրիկիցս մնացած անփամփուշտ ատրճանակը, բացի «սալոն»-ի վրա նայող պատուհանը (որի տակ խոնվել էին հակառակորդներս), դուրս պարզեցի ատրճանակի փողը և սարսափահար գոռացի:

— Փախեք, թե չէ՝ կկռակեմ...

Սարսափելու ես կրկնակի պատճառ ունեի. նախ նրանք կարող էին բռնել ատրճանակի փողից և խլել, երկրորդ՝ ինձ թվաց մի բռակ, որ իսկապես, եթե նրանք շփախշեն, ես «կկռակեմ» և վայ թե իմ կրակելուց ես ավելի վախենամ, քան թշնամիներս...

Բայց իմ ելույթը շշմեցուցիչ տպավորութիւն թողեց. խումբը զարհուրած ճշաց և սանդուղքներից խուճապով լցվեց ներքև... Հաղթանակը կատարյալ էր և էֆեկտը մեծ: Չանցած կես ժամ, մի պատգամավորութիւն եկավ և ինձ խնդրեց գուրս. ես նրանց, հակառակ իմ աթեիստական «համողմունքներին», երգվեցրի Վարագա սուրբ Նշանի անունով առ այն, որ շեն դիպչի ինձ, որից հետո դուրս եկա: Պատգամավորութիւնը խմբի անունից հայտնեց, որ ես հրավիրվում եմ խըմբապետ ամբողջ խմբի, միաժամանակ հաղորդելով, որ խումբը ցանկալի է համարում, որ այսուհետև մեր մեջ չլինի ոչ մի խոսակցութիւն աստծու գոյութիւն կամ շգոյութիւն մասին...

Համաձայնութիւնը կայացավ. ես հինգ բռակ հետո անցա պարտականութիւններին կատարմանը և ստանձնեցի գործերը, որոնք բաղկանում էին 12 տղաներից՝ 8—10 տարեկան, և նույնքան էլ ձեռնափայտերից. վերջիններն իրենցից ներկայացնում էին մեր ահարկու խմբի բովանդակ ուղմական արսենալը:

Ավելորդ է հիշեցնել, որ խմբիս նպատակն էր «ջարդել թուրքերին և ստեղծել իսկական Հայաստան»:

Ըստ երևույթին ամենայն ինչ կատարյալ էր, և գործն առանց տատանումների առաջ կգնար, բայց ահա մի անգամ խմբի անդամներից մեկը հարց տվեց ինձ այն մասին, թե ո՞րտեղից եմ ձեռք բերել ատրճանակը:

— Իշխանը տվեց...— փշեցի ես առանց մտածելու իմ հայտարարութիւն քաղաքական աղետավոր հետևանքների մասին:

Խումբը քրթմնջալ սկսեց. իմ զինվորներից շորս հոգի մինչև անգամ գաղտնի նիստ էին գումարել վարդնոցի տակ

և եկել էին այն նորակացութեան, որ հարկավոր չէ այն Հայաստանը, որը ձեռք պիտի բերվի դաշնակցական Իշխանի ատրճանակով, քանի որ խմբի մարտիկները նվիրված արմենականներ էին... Սակայն ես գտա իմ պաշտպանները նրանց հաջողվել էր ճնշել շորսի օպոզիցիան, առարկելով, որ առայժմ անհրաժեշտ է օգտագործել ինձ, որպես ատրճանակ ունեցողի, իսկ հետագայում, երբ կիրագործվի գերագույն նպատակը, հեշտ կլինի հրաժարվել և՛ Իշխանի ատրճանակից և թե, նամանավանդ, նրա կրողից...

...Տիրութեամբ է լեցվում սիրտս, սիրելի ընթերցող, այս ամենը հիշելիս: Բարձրանում էր, հիրավի, թունավոր ծաղիկների մի սերունդ՝ զոհ տիրող մի ամբողջ մտայնութեան: Իմ մանկութեան ընկերներից նրանք, որոնք մնացին, ականատես եղան պատմական մեծագույն դեպքերի. նրանցից շատերը հիմա ապրում են ուրիշ արևի տակ և ոգևորվում ուրիշ նպատակներով: Եվ ամեն անգամ, երբ ես տեսնում եմ կարմիր փողկապներով զարդարված պիոներական զվարթ դեմքեր, իմ դեմ ելնում է իմ մանկութեան մուսլ ստվերը:— Աճե՛ք և ժպտացե՛ք, —ասում եմ ես մտքումս նրանց,— պայծառ է ձեր երթը, ավելի պայծառ ձեր ճանապարհը. հիմա ես էլ եմ ապրում ձեզ հետ և կրում ձեր պայծառ իմաստութեանը, շնայած, որ իմ մանկութեան օրերին ինձ վիճակված էր ապրել դեղին դառանցյանքում և շնչել թունավոր խաշխաշներ:

## 8. ԱՂՋԻԿԸ

— Նաղելի...

Նաղելի էր կոչվում 12 տարեկան այն աղջիկը:

Նրանց տունը գտնվում էր ուղիղ մեր տան դիմացը. նրանք հաշվվում էին մեր քաղաքի երրորդ կամ չորրորդ հարուստները:

Երեք եղբայրներ էին և ապրում էին միևնույն (մեր քաղաքի համեմատութեամբ) ապարանքում:

Կախարդական մի խորհուրդ ուներ նրանց տան յուրա-  
քանչյուր մասնիկը. բազում սոսափում էին երկու խնձորնե-  
րիներ, որոնք թերվել էին տան առաջին մասում կառուցված  
տանիքի վրա՝ խնձորներով ծանրացած: Մաղկանոցներով  
զարդարված էր նրանց բակը: Ունեին խանութներ և սեփա-  
կան կառք:

Ի՞նչ ահա ես որոշեցի նրանց աղջկա՝ Նազելիի հետ և  
միայն Նազելիի հետ ամուսնանալ:

Իմ մտադրությունը դուրս բերելու համար ես ոչ ոքի հետ  
չխորհրդակցեցի, քանի որ շունեի համապատասխան ընկեր-  
ներ. ավելի շուտ այդ ուղղությամբ ևս հարմար էի գտնում  
Իշխանից խորհուրդ հարցնել, քան իմ զինվորներից որևէ  
մեկից, որովհետև ես արդեն սկսել էի հավատալ իմ փշած  
տախտի, բայց որի Իշխանն ինձ նվիրաբերել էր իր ատրճանա-  
կը, և ես մեծահոգությամբ շէի մերժել... Ահա թե ինչու ես  
իմ արժանավորությունից ցած գործ էի համարում Նազելիի  
հետ ամուսնանալու հարցը բնության դնել իմ հասակակից-  
ներին, բայց որտեղ կուլանա իմ ստորադրյալների առաջ,  
որոնք վրա իշխում էր մի ատրճանակ առանց փամփուշտ-  
ների՝ հանված մայրիկիս օժիտի սնդուկից...

Այնուհետև, երբ ամեն անգամ տատս նույն գորովով իմ  
տասնհինգ տարեկան դառնալու և ամուսնացնելու մասին  
էր հուշում, կարծես զեղեցկահասակ բարդու ծառի Ծեփենե-  
րի խշշոցի միջից ելնում էր և կանչում նա՛, Նազելին, կարճ  
չըջաղեցեստով և արծաթահունչ ձայնով: Ինձ մնում էր խնդրել  
նրա ձեռքը և որովհետև այն ժամանակ ես դեռ չգիտեի, որ  
աղջկա ձեռքը խնդրելու համար հարկավոր էր դիմել ծնող-  
ներին, ուստի անմիջապես դիմեցի նրան:

Այդ պատահեց այսպես.

Նազելին ինձ հայտնեց, որ իրենց ջուրն ավելի լավ է,  
որովհետև ջրհորը խորն է ավելի: Իմ ինքնասիրությանը դի-  
պափ այն հանգամանքը, որ նրանք՝ Նազելիենք, բավական  
չէ, որ ունեն շքեղ տներ և հարստություն, դեռ ջուրն էլ պիտի  
ունենան մեզնից լավ, ջուր, որ ոչ թե փողով է ձեռք բեր-  
վում, կամ հարստությամբ, այլ տված է բոլորին անխտիր,

հարուստին և աղքատին: Երբ ևս նրան հակաճանոցի, նա՝  
Նազելին, ինձ հրավիրեց իրենց բակը:

— Արի,— ասաց նա, իսկ նրա այտերին գոյացան փոք-  
րիկ փոսիկներ,— արի, տես, ինչ խոր ի մեր խորը:

Ես գնացի:

Մտենալով ջրհորին՝ նա ուժով մի կողմ հրեց նրա  
փայտե կափարիչը, պառկեց սալաքարերի վրա, գլուխը կա-  
խեց հորի մեջ և հրավիրեց ինձ նույնն անելու:

— Թքի խորի մեջ,— ասաց նա,— տես, ինչ ուշ կը  
խասնի ջրին...

Հեռու, հորի հատակում, հստակ ջրի հայելում, ես տես-  
նում էի իմ գլուխն ու Նազելու գլուխը կողք-կողքի և զար-  
մանալի ներդաշնակ. իսկ երբ նա իմ փոխարեն թքեց հորի  
մեջ, մի բռայե կարծես ջարդվեց հայելին, ջուրը խառնվեց,  
հինգ բռայե հետո ընդունելով նախկին պայծառ խաղաղու-  
թյունը: Այդ հինգ բռայեի ընթացքում ես մտածում էի հոր  
մաքրողների մասին (մեզանում նրանք կոչվում էին քանքան-  
ներ). նրանք հավատացնում էին, որ օրը ցերեկով հորի տա-  
կից տեսնվում են աստղեր, իսկական աստղեր, ինչպես դի-  
շերով... Ախ, իսկ շի՛ կարելի չի՞նել հորի հատակում և տես-  
նել ցերեկով աստղեր... զո՞նե մի անգամ...

Երբ հորի հատակի ջուրն ստացավ իր նախկին պայծառ  
խաղաղությունը, և երբ նրա հայելում երևացին նորից երկու  
մանկական գլխիկները, ես դադարեցի ցերեկով աստղեր  
տեսնելու մասին մտածելուց և ասացի Նազելուն.

— Արե մեյտեղ պսակվե՞նք...

Նա բարձր ծիծաղեց հորի մեջ և՛

— Ես Իշխանի հետ կպսակվեմ,— հայտնեց նա...

Ատելության պես մի բան շարժվեց կրծքիս տակ...

— Իշխան ատրճանակ ի տվե ձի...

— Էլ ունի... համ էլ ձեր տուն խորոտ շի...

— Է, լավ,— ասացի ես կեղծ հանգստությամբ ոտքի  
կանգնելով,— ևս էլ կերթամ Իշխանի մոտ... ինոր հետ կու-  
գամ ձեր տուն կվառենք... ձեր ֆայտոնն էլ, ձիերն էլ, ջրի  
հորն էլ... հմեն կը վառենք:

— է,— ասաց նա ոտքի կանգնելով,— Իշխանն իմ խոր դոստնն ի...

— Սո՛ւտ...— ասացի ես, ներքուստ ավելի քան հավատալով սարսափելի լուրի ճշտությանը:

— Չէ՛, դու ասա,— նյութը փոխեց նազելին,— որ պսակվեն, ի՞նչ կանեն...

Սա այդ մասին չէի մտածել, բայց շուզեցի տգիտ դուրս գալ, ուստի ասացի.

— Ասենք թե ես դու պսակ...

— Չէ,— ոտքը գետնին խփեց նազելին,— ես ու դու չէ, ես ու Իշխան...

— Կա՛վ... ասենք դու և Իշխան պսակվեցիք... դու պիտի Իշխանի շամաշուրները լվաս... համ էլ...

— Չէս գիտե, շես գիտե,— վճռեց նազելին,— այ, համ էլ կուզես պսակվել... որ պսակվենք, ես, Իշխան, գիշերով կերթանք աղբյուր ու... տղա կպիրենք... այ, հայրիկն ու մայրիկը մի ամիս տուտ գնացին աղբյուր և ձի համար ախպեր պիրին:

է՛,— քմծիծաղ սովի ես ներքուստ նախանձելով նազելու դիտակամ պաշարին,— ապա ի՞նչիս շի խեղդվե ջրի մեջ...

— Ինչի՞ պիտի խեղդվի... Մենք էլ աղբյուրից ենք դուրս իկե, բա ինչի՞ շենք խեղդվե... համ էլ, որ աստված պահի ինչի՞ պիտի խեղդվի...

— Աստված չկա,— հանդիսավորությամբ հայտարարեցի ես, վերջապես ուրախանալով, որ առիթ է ներկայանում յնորել նազելիին:

— Սո՛ւտ,— ծղրտաց նազելին և գնդակի պես ներս փախավ, թողնելով ինձ բերանբաց, բերանը բաց ջրհորի մոտ:

Իս թեքվեցի ջրհորի վրա և նրա հայելում տեսա իմ մենակ, մերժված, որբացած գլուխը...

• . . . . .  
• . . . . .

Նորանից հետո՝

Ես շատ սիրեցի և շատերին,  
Դահլիճ և դա ոմանց ու ոմանց զոհ,

Ինձ մեղմ օրորեց փշատենին,  
Ու շուրք երգեց քաղցր ու դուրս...

Քայց երբե՛ք, երբե՛ք ինձ այնքան բախտավոր չեմ պա-  
ցել, որքան այդ օրը, ջրհորի մոտ, Նաղելիի հետ և երբեք,  
երբեք այնքան չեմ դառնացել, որքան այդ օրը, ջրհորի  
մոտ, երբ Նաղելին ներս փախավ և ինձ թողեց մեն-մենակ,  
ջրհորի մոտ, ջրհորի մոտ...

## 9. ԿԻՆՈ՛

Վանքն է, նրա տակ բլուրը, նրա տակ գետը:

Նղբայրներիս հետ, վանքի ծառայողների երեխաների  
հետ գետ էինք գնում լողանալու: Կային նրանց մեջ երկու  
փոքրիկ աղջիկներ, երկու քույրեր՝ Նանիկ և Թուրո:

Նրանք էլ մեզ հետ լողանում էին, օգտվելով այն ազա-  
տությունից, որից հավասարաբար օգտվում էինք բոլորս:  
Եվ շկար ոչինչ խորթ, շկար ոչ մի կասկած առ այն, որ մենք  
տարբեր արարածներ ենք և որ տարիներ հետո միմյանց  
ներկայությամբ լողանալը կապված կլիներ տիեզերական  
դժվարությունների հետ...

Մի անգամ Հարոն ասաց.

— Էսօր Թուրոյին տանենք կամրջի տակ...

— Ինչի՞, — հարցրի ես, զղալով մի սեսակ անհամարս  
տություն:

— Հեշ, լողանանք, — ասաց նա անփուլթ եղանակով:

— Ես կամրջի տակ չեմ ուզե, — ասացի ես:

— Որ էդպես ի, — շշնջալով ասաց նա, — ես կտանեմ...  
բայց դու մարդու շասես...

Այլևս ոչինչ չհարցրի. ես չհարցրի, թե ի՞նչ կլինի կամրջի  
տակ Թուրոյի հետ լողանալով և թե ինչո՞ւ այդ մասին ոչ  
ոքի չպիտի հայտնել, այնքա՞ն խորհրդավոր, այնքա՞ն հե-  
տաքրքիր թվաց ինձ այդ ամենը...

Ահա և գետակը: Հարոն սկսեց հանվել կամրջի մոտ,  
մենք բոլորս՝ տասը քայլ հեռու: Սառը ջրի առաջին սարսուռն  
անցավ, և մենք սկսեցինք աղմկելով լողանալ:

Հարոն առաջացավ դեպի մեր խումբը և դիմեց ինձ.

— Արի էրթանք կամրջի տակ, էնտեղ ջուր տաք ի՛, ավազ ի... էրթանք, Թուրո...

Նա բռնեց իմ և Թուրոյի ձեռները, ու երբ մի քանի քայլ արել էինք, Հարոն բաց թողեց իմ ձեռքը և Թուրոյի հետ առաջ անցան:

Ես ետ փախա դեպի խումբը:

— Շատ փոս ի՛, շրմ ուզի՛,— լսվեց Թուրոյի գանգատավոր ձայնը:

— Մի վախի, սրունիք եմ,— քաջալերում էր Հարոն:

Ես ետ նայեցի. Թուրոն մինչև կուրծքը, իսկ Հարոն մինչև մեջքը թաղված էին ջրի մեջ. Հարոն բռնել էր նրան, ու նրա աչքերն անհանգստությունից վառվում էին: Հետո նա նետվեց ջրի հոսանքով և Թուրոյին էլ քաշեց հետը. մի բոպե, և Թուրոն դուրս փախավ գետակից ու գետափով վաղեց դեպի խումբը:

— Շան լա՛ճ,— հետսսլառ արտասանեց նա Հարոյի հասցեին,— քիչ մնաց խեղդ... խեղդվի...

Որք լողանալուց հետո բարձրանում էինք բլուրը, Հարոն լուռ էր. նա ոչ մի խոսք չասաց ամբողջ ճանապարհին. ինձ պաշարել էր մի տազնապալի անհանգստություն:

. . . . .

Այդ գիշեր ևս երազ տեսա:

...Թուրոն մոտեցավ ինձ և ասաց.

— Արև մենակ էրթանք լողնանք:

Մենք դնացինք:

— Իմ շորեր դո՛ւ հան:

Նա սկսեցի հանել նրա շորերը և ինչքան հանում էի, շէր վերցանում: Մեկ, երկու, շորս, յոթ...

— Ո՞րք պիտի պրծնի, Թուրո... մութ կէլնի...

— Մութն ի,— ասաց Թուրոն,— շե՛ս տիսնա... աստղերն լրան... էս մեկն էլ հան... էս մեկն էլ հան... անա պրծավ... արև շողանանք... պառկենք ավազի վերեն:

Մենք պատկում ենք ավազի վրա:

— Նս կմսեմ,— ասում է Թուրոն,— ծածկի՛...

— Ահանչ...

Թուրոն ասում է.

— էսպես լավ ի...

... Ես զարթնում եմ, զգում եմ, որ ժպտում եմ: Չեմ ուզում աչքս քանալ, ախ, երևի հրեշտակների երազն այսպես քաղցր կլինի, հրեշտակի երազ տեսա ես...

Բաց եմ անում աչքերս:

Վանքի մեծաշունչ առավոտը:

... Քաղաքից հյուրեր եկան վանքը. բարեկամներ ու բարեկամուհիներ. նրանց մեջ Մարմարը, բարձրահասակ և հսկա մի աղջիկ, մուգ-կապույտ աչքերով, երկար թարթիչներով, աջ այտի վրա մի փոքրիկ, սև խալ:

Մարմարը գրկեց ինձ, բարձրացրեց վեր, շա՛փշո՛ւփ համբուրեց և երբ փորձեց կծել, ես հակառակ իմ սովորության, շխուսափեցի. միայն թե նա, այդ օրիորդ Մարմարը, ինձ շիջեցնի վար:

— Դե, մի անխամանա... նաֆաս կտրավ տղի, — պաշտպանեց ինձ տատս:

Մարմարը վար գրեց ինձ և հյուրերի հետ դուրս եկավ վանքի բաժինները տեսնելու:

Մտան եկեղեցին. խաչակնքեցին երեսներն ու լուռ կանգնեցին. ես նաչեցի աստվածամոր պատկերին, հետո Մարմարին. այնքան խեղճ թվաց ինձ աստվածամոր պատկերը, այնքան տխո՞ւր, խունացա՞ծ... նրա տխրությունը ցավ չպատճառեց ինձ. ես զգացի արգահատանքի, թե արհամարհանքի պես մի բան:

— Իսկապես աստվածամայրն էսպես կելնի. — մտածեցի ես՝ նաչելով Մարմարի գեղեցիկ դեմքին:

Ես բռնեցի Մարմարի փեշից, և մենք դուրս եկանք վանքից:

Երեկոյան ընթրիքից հետո ես պառկեցի քնելու. հյուրերը երկար զբաղվեցին. իսկ իմ քունը շէր տանում. ես շքնեցի, մինչև Մարմարն սկսեց հանվել, իսկ երբ նա սկսեց հանվել, ես գլուխս կոխեցի վերմակի տակ. շունչս տաքացել էր, ու սիրտս արագ էր խփում:

Այդ գիշեր ես երկրորդ անգամ տեսա սպիտակ հրեշ-  
տակի կապույտ երազը:

Ես սկսեցի նկատել, որ կանայք շնչում են...

## 10. ԼՈՔՈՆ

Ինչո՞ւ տխրեց սիրտս... Ես գիտեմ ինչու... Լոքոյին հի-  
շեցի ես...

Երկար ոտներով, կարճ իրանով, անսովոր մեծ գլխով,  
նա կես-գիշերից անց, երբ ողջ քաղաքը քնած էր լինում,  
առնում էր կոշնակը, «թխկըլ-թխկըլ» խփելով անցնում էր  
Քաղից Քաղ, կանգնում էր յուրաքանչյուր դռան վրա, խփում  
էր դռան ճկիկը — «չըխկ-չըխկ-չըխկ» — ու հեռանում էր, իր  
կոշնակի խաղաղ ձայնի հետ, Այն տները, որոնք գիշերով  
հաց էին թխում, Քաղա հաց էին տալիս նրան այն ժամա-  
նակ, երբ մամհար Լոքոն հասնում էր նրանց դռանը:

Արք պալիս էին մայրիկանց տան հաց թխելու օրերը, ես  
լսվում էի անհամբերությամբ և ուրախությամբ, մեր հաց-  
Քուխը մոտ քառասուն տարեկան սև-սև մի կին էր, ուրախ,  
զվարթախոս, առակների և սրախոսությունների մի անսպառ  
չտեմարան:

Բեյզադեն (չէ՞ որ նա այսպես էր կոչվում...) կառներ  
բացված լավաշը «մաղրակի» վրա, կկռանար մինչև շիկա-  
դած թանրի խորքը, վարժ ձեռներով կխփեր թոնրի կողքին  
և դասարկվող մաղրական դուրս կքաշեր... մեկ էլ տեսար  
սկսեց իր անգիր շարահյուսությունները:

Քաղա հացի հոտ կուզա,  
Ելեր, տեսեր, վո՞ւ կուզա,  
Արև ձիավոր կուզա,  
Ըն՛չն ի Հիսուս,  
Մեյն ի Քրիստոս,  
Ըն՛չն Վարդա  
Աստարածին...

Ձեռ էր առնում Բեյզադեն. Հիսուսը ջոկ մարդ էր նրա  
համար, Քրիստոսը՝ ջոկ: Անկարելի էր լսել մի լուրջ խոսք

նրանից, նրա աղոթքներն անգամ հումորիստական էին, երբ լույսը կսկսեր բացվել, նա լրջության մի կեղծ հառաչանք բաց կթողներ և որպես թե կաղոթեր.

Բարի լուսու սիրուն Քրիստոս,  
Գունգրմ փոխինդ թալ իմ գոգս,  
Թալեմ բերանս, երթա փորս...

Տատս վեր էր կենում և փոխինդ էր շաղախում...

Իսկ երբ ժամհարը մոտենում էր մեր դռներին, տատս փաթաթում էր երկու-երեք տաք լավաշ և տալիս էր ինձ: Ծս վաղում էի, բաց էի անում փողոցի դուռը և, ուրախությունից ու հուզմունքից առանց մի խոսք արտասանել կարողանալու, սլարդում էի լոքոյին լավաշի տաք փաթեթը...

— Աստված ձեր մեկն խաղար անի,— ասում էր լոքոն ու, «տընգլ-տընգլ» կոչնակը խփելով, հեռանում էր, թողնելով ինձ կախարդված դրության մեջ...

Ժամհարի գալն ինձ վրա թողնում էր այն աստիճանի միստիկական տպավորություն, որ ես առաջին շրջանում վախենում էի մենակ գնալ և դուռը բաց անել:

— Իմ Գուրիսի հետ էրթանք, հա՛ց տանք ժամհարին,— երգեցիկ ձայնով ասում էր տատս, առնում էր լավաշը և ընկնում էր առաջ: Երբ նա դուռը բաց էր անում, ես դառն կիսաբաց ճեղքից միայն նայում էի ժամհարին ու սեսնում էի նրան լուսնի տակ, աժդահա՞ ժամհարին, երկար ոտնհրով, կարճ իրանով և անսովոր մեծ գլխով...

Կշկշում էր Բեյզադեն, ծիծաղում էր ու մազբազան խփում էր ծունկին.

— Օղի՛կ, կասեն լոքոն ծուռ Քինոյի սիրականն ի...

Ծուռ Քինոն քսաներկու, քսաներեք տարեկան մի մուրացկան աղջիկ էր. նրան ծուռ, խենթ էին համարում, որովհետև Քինոն սովորական մուրացկանների պես չէր մուրում: Սովորական աղքատները խփում էին դուռն այնքան կամաց, որ տանեցիները «ազքատ ի...» ասում էին և թողնում էին անհետևանք: Բայց ավելի սովորական էր հետևյալ հարց ու պատասխանը— դուռը ծեծում են.

— Էն վո՞վ ի...

— Աղքատ ի...

— Աստված տա...

Սիլ աղքատը հեռանում էր: Իսկ Քինոն դուռը ծեծում էր համարձակ և բարձր.

— Էն վո՞վ ի...

— Բա՛ց...

Դուռը բացվում է, նա առանց աչ ու ձախ նայելու ներս է մտնում, բակից անցնում է տանտուն, նստում է թոնրի վրա և...

— Ցուրտ ի... տայնամ, էրթամ...

Տատս բերում էր նրա համար ուտելիք. ուտում էր, տաքանում, երգում, շատախոսում... Մի անգամ էլ, երբ նա դուրս եկավ գնալու, դեռ բակը շանցած, դուռը ծեծեցին.

— Վո՞վ ի... — ճշաց Քինոն:

— Աղքատ ի, — լսեց դրսից:

— Գնա՛, դնա՛, — ճղլթաց Քինոն, — աստված տա...

Այսպես էր Քինոն:

Բեյզադեն շարունակում էր կշկշալ և պատմել տատիս, որ ամեն անգամ, երբ ինքը գնում է Դատաստանենց տուն հաց թխելու, լսում է, թե ինչպես ժամհար Լոթոն անցնում է Մեռելենց տան մոտով, հասնում է Բող-բոխկենց տանը, ու կոշնակը լոում է. Բող-բոխկենց տան մոտ մի դուռ կա, որը գիշեր-ցերեկ բաց է. այնտեղ է ապրում Քինոն. կես ժամ հետո միայն վերստին լսվում է ժամհար Լոթոյի կոշնակի ձայնը...

— Քինոյի մոտ կերթա-կուզա, Օղի՛կ, Քինոյի մոտ:

— Ինոնց մեղք՝ ինոնց վիզ, — ասում է տատս և խմորից գնդեր է շինում:

Մի օր էլ լուր տարածվեց, որ ժամհար Լոթոյին և Քինոյին գտել են վերջինիս իրճիթում, անկողնու մեջ, մորթված, միասին պառկած...

— Մըդրըբներն են արե...

«Մըդրըբները» — գնչուներն էին:

Լոթոյին հաջորդեց մեր դրացի Սիմոնը, որին ամեն օր, օրը ցերեկով տեսնում էի. այս հանդամանքը նսեմացրեց իմ

մեջ ամեն միստիկա դեպի ժամհարի դիշերային շրջագայությունը, դեպի նրա կոշնակի խաղաղ ձայնը...

Սա ժամհար Լոքոյին մոռանալ չեմ կարող:

... Այգեատանների վրա բացվում էր առավոտը. բոլոր բրդիկներից ծուխ էր բարձրանում ու կապույտ ամպանում. հոսող առուների վրա խշխշում էին ուռենիներն ու բարձրահասակ բարդիները: Մանկահասակ աղջիկները ջուր էին ցանում այգու և փողոցի դռների առաջ, ավլում էին ու աչքի տակով նայում անցնող-դարձողներին: Արարուց եկեղեցու զանգը կանչում էր աշակերտներին Արարուց դպրոց, Նորաշենինը՝ Նորաշենի, Հանկույսձորինը՝ Հանկույսձորի: Սկսվում էր ամենօրյա առօրյան, բացվում էին խանութները, սրճարանները, վարսավիրանոցները: Բարձր հաղալով՝ Մուխսաղան նստում էր իր սպիտակ իշու վրա և, ոտներն օրորելով, ուղևորվում դեպի քաղաք: Արթնանում էին հողսեր, ցանկություններ, մտահոգություններ, ուրախություններ, անհաջողության ցավեր... Ու երկաթուղուց հարյուրավոր վերստերով հեռու ասլրում էր, զգում, ուրախանում ու տխրում էր տափակ կտուրներով ու ծառերի մեջ տարածված գեղեցիկ մի քաղաք...

## 11. ՄԻ «ԱԼԱՖՐԱՆԿԱ» ԸՆՏԱՆԻՔ

Մեր քաղաքը բաժանված էր երկու մասի՝ քաղաք և Այգեատան: Քաղաքը նշանավոր էր իր պատմական բերդով, իսկ Այգեատանը՝ իր զովաշունչ և խիտ այգիներով: Մենք ապրում էինք Այգեատանում, բայց ահա տատիս եղբայրը՝ Սիմոն աղան, ապրում էր քաղաքում:

Մի անգամ տատիս հետ միասին դնացինք Սիմոն աղայենց տուն: Ճանապարհն ինձ համար շափազանց երկար էր և հոգնեցուցիչ: Դրա համար էլ երևի տատս ամբողջ ճանապարհին ինձ պատմեց զանազան պատմություններ, բացի «Զամբիլ-Ֆրոշից», որովհետև վերջինս բացի պատմողական լինելուց, ուներ նաև երգելու տեղեր, իսկ փողոցում տատիս համար երգելն այնքան էլ հարմար բան չէր... Անցանք Խաչփո-

զանք, համամները, մարքազը, Հայկավանքի եկեղեցին և մեր դեմ կանգնեց բերդն ու քաղաքի դուռը: Երբ մոտեցանք քաղաքին, տատա այնքան ոգևորվեց, որ առանց այլևայլության սկսեց երգել «Զամբիլ-Ֆրոշից», առանց տեքստը պատմելու: Մենք մտանք քաղաքի դռնով, անցանք երկու փողոց և կանգնեցինք Երկհարկանի մի տան առաջ:

... Սիմոն աղան մի սև-սև, բարձրահասակ, մոտ 33 տարեկան մարդ էր: Նրա կինը՝ Անիկ դուդուն, կռացավ, համբուրեց ինձ և, ձեռքիցս բռնելով, ներկայացրեց Սիմոն աղային: Նա կամփեց թուշս, ինչ-որ սիրալիր բան ասաց և տարավ ինձ իր տղաների մոտ: Երկու տղա ուներ նա,— Հայրիկ և Հայկակ,— և մի փոքր աղջիկ՝ Շնորհիկ: Մենք շատ շուտ մտերմացանք և սկսեցինք դրադվել զանազան մանկական խաղերով: Ճաշի ժամանակ մենք բոլորեցինք սեղանի շուրջը: Մեծ եղավ իմ զարմանքը, երբ ես տեսա, որ փոխանակ ծառայատիկ նստելու վարդիր սինու շուրջը, մենք բոլորեցինք աթոռներով շրջապատված մի սեղանի շուրջ: Ես ստիպված եղա բարձրանալ և կանգնել ինձ հատկացված աթոռի վրա, սեղանի անցուդարձերին անմիջականորեն վերահասու լինելու համար...

Բայց ավելի մեծ եղավ իմ զարմանքը, երբ ուտել սկսելուց առաջ բոլորը միասին անխոս կանգնեցին ոտքի, աչքերը փակեցին, իսկ Սիմոն աղան սկսեց մի աղոթք: Տարսրիճակ և ծիծաղելի թվաց ինձ՝ աղոթելու այդ ձևը, ավելի ծիծաղելի թվաց ինձ այն, որ փոքրիկ Շնորհիկը աչքերը լրիվ չէր փակել և, միայն ինձ համար նկատելի կերպով, կիսաբաց աչքերով նայում էր սեղանի բարիքներին:

Ես արդեն պատրաստվել էի բարձրաձայն ծիծաղել, բայց բարեբախտաբար վերջացավ աղոթքը, և բոլորն էլ սկսեցին լուռ ուտել: Մինչև ճաշի վերջը ոչ ոք ոչ մի խոսք չասաց: Իմ և տատիս մեջ միայն տեղի ունեցավ մի փոքրիկ բացատրություն:

— Ինչի՞ սինի շկա,— հարցրի ես տատիս ականջին շշուկով:

— Իսոնք այաֆրանկա են,— պատասխանեց տատա:

— Ինչի՞ աչքեր խփեցին,— նորից հարցրի ես:

— Փոռոյ են, — եղաւ պատասխանը:

Անկէնորդ է ասկէ, որ այս խոսակցութիւնը, որից, ճիշտ ասած, ես թիշ բան հասկացա, բացի ինձանից և տատիցս, ոչ ոք չսեց...

Արք սեղանը մարբեղին, Աիմոն աղան ասաց Անիկ դու-  
դուին.

— Անիկ, մարտական թե՛ր...

Աս աչքս շորս բացի, տեսնելու համար, թե ի՛նչ է այդ  
ամարտական. կոչվածը: Անիկ դուդուն սեղանի վրա դրեց  
Շա՛նրազու խաղող, Արտամեաա խնձոր և ուրիշ մրգեր:  
Ներանք, իսկ ամարտականը չկար ու չկար: Հետո նորից  
բոլորն էլ ոտքի կանգնեցին, փակեցին աչքերը. Աիմոն  
աղան մեծ հանդիսավորութեամբ աղոթեց, իսկ Շնորհիկը  
այնպէս պինդ էր փակել իր աչքերը, որ թվում էր, թէ  
այլևս չպիտի բացվեն նրանք...

Ճաշից հետո ես տատիս հարցրի.

— Ինչի՞ մարտական շպիրին...

Նա պատասխանեց, որ ամարտական» ասվածը խեճորն  
է. խաղողը և առհասարակ մրգեղենը:

Իրիկնայեմին Աիմոն աղան հայտնեց, որ պետք է ժո-  
ղովարան գնալ: Հայրիկն ու Հայկակը շատ ուրախացան,  
որից ես ենթադրեցի, որ ժողովարան կոչված տեղը վաս-  
տեղ շպետք է լիներ: Մենք հանապարհակցիներ: Իսկ մի մեծ  
դահլիճ էր, բարձր ամբիոնով և բարձր առաստաղով: Ինձ  
վրա մեծ տպավորութիւն թողեցին դահլիճի պատուհանների  
գույնզգույն ասղակիները: Իսկ ի՞նչ լեցուն էր աղոթարարնե-  
րով: Մի բարձրահասակ մարդ մտեցաւ ամբիոնին, ինչ-որ  
խոսքեր ասաղ, ապա լավեց նվագարանի ձայն, որից հետո  
բոլորն էլ ոտքի կանգնեցին, փակեցին աչքերը և սկսեցին  
երգել: Այդ երգի առաջին բառերը ես չեմ մոռացել.

«Անհուշսին հուշս, ո՛վ Հիսուս...»

Շնորհիկն էլ էր երգում, բայց երբ ես ուշադրութիւն  
դարձրի, տեսա, որ նա ո՛չ թէ երգում է, այլ ռա՛... ո՛ւ...  
ձայներ է հանում...

Ժողովարանը դրվեց, և մենք ուղևորվեցինք դեպի սուր.  
հանապարհին ես և Հայկակը գնում էինք Անիկ դուդուի հետ,

իսկ տատա, Սիմոն աղան, Հայրիկն ու փոքրիկ Ենոքիկը մի  
քսան քալ մեղնից առաջ էին գնում: Մեր դիմաց մի մարդ  
օրորվելով և քթի տակ ինչ-որ երգելով գալիս էր:

— Սարխուշ ի... — ասաց Անիկ գուդուն՝ ամուր քանելով  
մեր ձեռքից. մարդը ուղղակի մոտեցավ Անիկ դուդուին:

— Քյաֆուր վարդ, — ասաց անժանոթը, և մինչև իսկ ուղ-  
տի կգար, բերանով կպավ երեսին և — «պրոշո...»

— Հայրի՛կ, — ճշաց Հայկակը, — մայրիկին համբու-  
րեցի՛ն...

Սիմոն և աղան ևս նայեց, իսկ Անիկ դուդուն կենտախ պեռ  
կարմրած դժբով շշնջաց:

— Պան չկավ... — Զգիտեմ ինչո՛ւ, ինձ թվաց, որ նա  
դո՛՛հ էր պատա՛ծածից:

Քայց ըստ երևույթին բանը բանից անդել էր. տուն հա-  
սանք, և Սիմոն աղան հիվանդացավ:

— Անուշիկ Հիսուս, ի՞նչ կլավ է՞ մարդուն, — ասում էր  
Անիկ դուդուն և հուղված շրջում էր սենյակի լայնքով:

Սիմոն աղայի ցանկությամբ կանչվեց թե՛ որպես բժիշկ  
և թե՛ որպես խոստովանահայր պատվելին. այս այն մարդն  
էր, որը մոզովարանի ամբիոնից աղոթեց և քարոզեց:

Պատվելին շիշ կուլ տվածի պես մտավ հիվանդի սենյա-  
կը, իսկ մենք մյուս սենյակում սպասում էինք հոգևոր կան-  
սիլիումի արդյունքին. քսան քալից անց պատվելին երևաց  
դռների մեջ, աչքը փակեց, դեմքը հառեց առաստաղին և  
հանդիսավոր ձայնով արասասանեց.

— Հիսուսը կանչեր է եղբայր Սիմոնին, քսիր է՛ եկուր...

Ասաց ու հանդիսավոր քայլով դուրս եկավ:

— Կրողի-մախու պրտուն, — ասաց նրա հետևից տատա,  
— մարդը նեղսրտավ, պառկավ. ի՞նչ ավել-պակաս խաճեց...

Խշշաց անձրևը բերդի վրա, քաղաքի վրա, տափուկ  
կտուրների վրա:

Տատիս դիագնոզը ճիշտ էր. Հիսուսը Սիմոն աղային չէր  
կանչել:

Վերջին անգամ տեսնում եմ նրանց՝ Վանք թողնելիս:  
Մենք գնացել էինք սկայարան՝ նրանց ճանապարհելու. սկա-  
յարան՝ կոչվածը՝ դա սկիզբն էր այն մեծ շանապարհի, որ  
ձգվում էր Վանից մինչև Բողիք. սկայարանը-ր կոչվում էր

«Վայ-վայ Քարլախի» — մի անուն, որը ներդաշնակում էր տեղին, այնտեղ բառի իսկական իմաստով «վայ-վայ» էին անում տատա, Անուշը, Սիմոն աղան, Անիկը... նրանք լալիս էին և համարում:

— Մայրիկ, ձիո՞վ կերթան Ռուսաստան...

— Չիտվ... — ասաց նա արցունքների միջից, — հետո շքմանդրժրո կնստեն...

«Շքմանդրժրո» կոչվածը գնացրե էր...

Կրք բուրն էլ տեղավորվեցին իրենց ձիերի վրի <sup>ալ, տատա</sup> ինձ գրկեց, բարձրացրեց Անիկ դուզուրի ձիու վրա, <sup>Անիկ դու-</sup> դուն ինձ համարեց, իսկ նրա գրկում նստած <sup>փոքրիկ Շնոր-</sup> հիկը քաշեց իմ մաղերից. հետո տատա ի <sup>ինձ վար առավ:</sup> նրանք ձիու վրա մի անգամ էլ փակեցին ա. <sup>ըբերը, և Սիմոն</sup> աղան աղոթեց: Սակայն այս անգամ փոքրիկ <sup>Շնորհիկը աչքը</sup> չէր փակել. նա նայում էր հարթավայրի վրայով <sup>նվաժ սպի-</sup> տակ ճանապարհին...

Ձիերը շարժվեցին:

... «Այաֆրանկա» ընտանիքից այսօր ապրում է միայն Հաջկակը. նա 1918 թվին Մարսիլիա անցավ և այժմ դրադ վում է օգտավելիությամբ: Հայրիկը Ռուսաստան հասնելուց ևրեք օր հետո մահացավ. իմ տատը կամուզուն կերպով համոզում էր բուրնին, որ նա միայն «շքմանդրժրո»-րց մեռած կարող է լինել... Սիմոն աղան մեռավ 1916 թին, Թիֆլիսում. Թոքախառից: Նրա մահից հետո Անիկը մնաց այրի. Մայրս նրա հետ ապրեց 1917 թվին մի քանի ամիս. նա պատմում է, որ Սիմոն աղայի մահից հետո Անիկը «ճամպից էլավ»...

— Տուն կուզար գիշերվա ժամը 1-ին, 2-ին, ո՞ւր կթալեր ոտի վերեն, երգ կասեր... կկողներ ջանիք, թե՛ «գնա ինձ համար սեգիպեցիկո պապիրոս...»... «Անիկ, էս կես-կիշեր...: ո՞րտեղից գտնեմ քե համար «սեգիպեցիկո»...: Չէ՛, որ չէ... կհաշեր, կծածեր... կուլար... լալով երգ կասեր...»:

1919 թվին մեռավ Անիկն էլ...

Նրա մահից մի քանի ամիս առաջ Շնորհիկի դիակը գրտնրվել է Թիֆլիսի Հավլարարի խուլ որջերից մեկում, Անիկը նրա մահվան լուրը լսել է կատարյալ անտարբերությամբ...

## 12. ԿՈՒՉ ԵՎ ԱՆՄԱՀՈՒԹՅՈՒՆ

Թե ի՞նչ էր մահը, ես չիմացա, չկարողացա պատկերացնել, շնայած որ մեռան մարդիկ, որոնց ես ճանաչում էի, Բարուչենց նշան աղան, Աճեմ-Խաչոյենց Հայկանուշ հանրմը, Սոսոյենց Թագուհին... մեռան և ուրիշ ոչինչ, այդ մահերը շթողին ինձ վրա առանձնապես ոչ մի տպավորութիւն։ Բայց ահա մի անգամ հիվանդացավ փոքր եղբայրս՝ Սուրենը։ Հիվանդութեան հինգերորդ օրը մայրիկի գեմքն ավելի մտահոգ դարձավ, իսկ դրացիները դադարեցրին իրենց այցելութիւնները։ Որպես բժիշկ հրավիրված Զմո տատեն դուրս եկավ սենյակից և մոտեցավ մեր տան կենսորենից Արմաշին։ Արման՝ մարանդող (հյուան) Սիմոնի կինը, իլիկը ծնկնների վրա դարձրեց և հարցրեց Զմո տատին՝ հիվանդի մասին։

— Կմեռնի,— չոր պատասխանեց Զմո տատեն և մի պտղունց բռնոթի քաշեց։ Աս այդ ժամանակ դրադված էի սանդուղքների տակ, մարտի տախտակի վրա «հիշատակ» գրելով։ Գրել էի հիշատակը ծուռումուռ տառերով, գրել էի աչնպես, ինչպես ընդունված էր առհասարակ գրել։

«Հիշատակ Գուրգեն Աճեմյան, 1912, օգոստոս, Ի վան, ես կմեռնեմ, հող կդառնամ, իմ հիշատակ թող հոս մնա, ով որ օնջի, դուրս աչքերով կուրանա, տմեն»...

Զմո տատի «կմեռնի»-ն լսեցի այն ժամանակ, երբ հասել էի «տմեն»-ի վրա։ Առաջին հարցը, որ ծագեց գլխիս մեջ, այդ այն էր, թե՛ եթէ Սուրենը մեռնի, նրա հիշատակը ո՞ր պետք է մնա... Հետո կարծես նոր անգրադարձա «հող կդառնամ»-ի դարհուրելի նշանակութեան վրա։ Ինչպե՞ս թե հող կդառնամ։ Ուրեմն մեռնելուց հետո մարդիկ հո՞ղ են դառնում և էլ շայ շե՞ն խմի... Աս սենյակ մտա և մոտեցա Սուրենի փոքրիկ անկողնին։ Նա ծանր շնչում էր և տաքութիւններից շարժում գլուխը։ Երբ ես նայեցի նրա գեմքին և պատկերացրի, որ նա՛ Սուրենը, հող պիտի դառնա, կարծես յղուկեցին կոկորդիցս։

— Անուշ...

— Հա՛...

— Մարդ որ մեռնի, ի՞նչ կելնի...

- Կերթա երկինք... անհամ-անհամ մի խոսի...
- էնտեղ շայ-ամալար կա՞...
- Արդարների համար կա, մեղավորներին՝ չէ...
- Սուրենն արդա՞ր ի, թե մեղավոր...
- Յա՛ա՛ա՛... — շգիտեմ ինչու բարկացալ մայրիկը և ծածկեց Սուրենին:

Ես դուրս եկա դժգոհ մայրիկից և գտա մեր դրացի Կորկոտենց Ռուբենին, որին, շգիտեմ ինչու, «Վառեկ» էինք ասում, որի համար և նա սարսափելի բարկանում էր:

- Ռուբեն, արի բան կասեմ:

Նա մոտեցավ.

- Ի՞նչ...

- Ռուբեն, մարդ որ մեռնի, ի՞նչ կանեն...

- Կխորեն...

- Վառեկ, շգիտես՝ ի՞նչ կասես...

- «Վառեկ» մի ասի, թե չէ՝ սիլա կուտես...

Գործը մատնվում էր անհաջողության, ուստի ես, որպեսզի կարողանայի օգուվել ինձնից մի քանի տարով մեծ «Վառեկ»-ի գիտական պաշարից, լեզուս փոխեցի.

- Բա մարդ որ մեռնի, երկինք շե՞րթա...

- Հողին կերթա...

- Նրկինք ի՞նչ կանի...

— Մեղավորները տժոխք կերթան, արդարներ՝ արքավութեն...

- Սուրեն մեղավո՞ր ի, թե՞ արդար...

Նա մի բոպե մտածեց և խորին համողմունքով ասաց.

- Պստիկներ արդար են...

Ես միամտվեցի. ներս մտա, անցա սանդուղքների հետև և մի մաքուր տախտակի վրա գրեցի.

«Հիշատակ Սուրեն Աճեմյան, 1912, օգոստոս, ի Վան. ես կմեռնեմ...»:

Ես ընկա մտածմունքների մեջ. գրել «հող կդառնամ», թե ոչ... դեպի եղբորս տածած սերը թույլ շտվեց ինձ ավելացնել այդ մաքսափելի խոսքերը, այլև նկատի առնելով այն հանդամանքը, որ եղբայրս շա՞տ էր փոքր, իսկ «պստիկներ արդար են», ես գրեցի.

«...երկինք կերթամ, իմ հիշատակ թող հոս մնա, ով ոտ  
ջնջի, դույզ աշքերով կուրանա, ամեն»:

Եղբորս անմահությունն ապահովելուց հետո ես այգի  
գնացի և սկսեցի հանգիստ սրտով ձմռան վառելու համար  
կաղալ ավել...

### 13. ՄԱՆԴԱԲՈՒԹՅԱՆ ՊԱՐՈՆ ԱՐՇԱԿ, ՆՈՒՅՆ ԻՆՔԸ՝ ԱՐՇԱԿ ՄԱՆԹԱԿՈՒՆԻ, «ԳԻՇԵՐՆԵՐՈՒ ԸՄԱՍՆԱԿԵՏ»

Մի մեծ նորություն էր շրջում փողանից-փողան, դռնից-  
դուռ, բակից-բակ.

— Մանդաբուռենց տղեն՝ պարոն Արշակ Ստամբուլա  
իկե...

Հիշում եմ, թե ինչ պատկերացրի ես Ստամբուլ անվան  
տակ, Ստամբուլի անունն ինձ անծանոթ չէր, Այդ անունը ես  
լսել էի տատիս երգած երգերից մեկում:

Երթանք Ստամբուլ,  
Պիրենք սսկի բուլ,  
Առնենք ջուխտըմ սուլ,  
Հաղնենք դորեդոր:

Հեզնանք չէ՞ր սա գավառից դեպի քաղաք ձգտող «ղա-  
րիլ»-ների մասին, որոնք Ստամբուլ էին գնում «բուլ սսկի» բե-  
րելու սսկի հույսերով, բայց վերադառնում էին հաղիվ մի  
դույզ սուլով, այն էլ «դորեդոր»՝ հերթով հագնելու համար...  
Սայց այն հանգամանքը, որ Ստամբուլի հետ կապված էր ինչ-  
որ սսկու պատմություն, իմ մեջ ստեղծել էր կախաբղական  
մի պատկերացում Ստամբուլի վերաբերմամբ:

Կիրակի օրերին մեր քաղաքի «սսկի երիտասարդությու-  
նը», մաքուր կաղապարված ֆեսերով, գույնզգույն փողկապ-  
ներով և վաքսած «բոթ»-երով շրջում էր ուռենիներով զար-  
դարված փողոցներով ու նայում այս դռան, այն պատուհա-  
նին և, ինչպես ասում էին, «աղջիկներին աչքով կանին»: Թե  
ի՞նչ է նշանակում «աչքով անել», ես չգիտեի, բայց որ խոր-  
հրդավոր բան պիտի լիներ այդ աչքով անելը, դա կասկա-  
ծից դուրս էր:

— Մարինա հանրմ, էսօր խոտեմկանց Քրիստոստուրը  
Պանրենց աղջկան աչքով արաց...

— Քա, աղո՞րթ...

— Սուրբ նշան...

Լուրը բերնե-բերան հասնում է Պանրենց տուն. բայ-  
քերան նխշեն, գյուղից եկած մի կին, որն ապրում է սրա-  
նրա տանը լվացք անելով, գյուղացիական պարզասրտու-  
յամբ հարցնում է Պանրենց Աղալնուն.

— Խաթուն...

— Ասա...

— Խոտեմկանց Քրիստոստուր քո աղջկան ուզե՞...

— Քա վո՞վ ասաց...

— Լսա...

— Ասողի պերան փակվի... ես իմ աղջկան Կափամաջու  
տղին էլ չեմ տա...

Լուրը գնացած ճանապարհով ետ է գալիս, և դռնից դուռ  
ժիծաղում են կանայք ու իրար հաղորդում.

— Պանրենց Աղալնին իր շաքար աղջկան Կափամաջոնց  
տղի՞ն պիտի տա... խո՞ղ վեր կոտիդ...

Այնուհետև լուր տարածվեց, որ Մանդարուռյան պարոն  
Արշակը Ուրբաթ առու կոչված գրոսավայրում Պասյան Հռե-  
փից ժամադրություն է խնդրել գիշերով:— Բայց ինչի՞ գիշե-  
րով, ցերեկով արի, կխոսենք,— առարկել է Պասյան Հռեփը:  
Պարոն Արշակը նայել է Պասյան Հռեփի աչքերին և ասել է.  
Ես գիշերի մասնագետ եմ...— Այս արտահայտությունը կայ-  
ծակի արագությամբ տարածվեց Վանի գեղեցիկ սեռի աշ-  
խարհում: Խոսում էին նրա մասին շշուկով, խորհրդավոր,—  
Մանդարուռենց պարոն Արշակ գիշերվա մասնագետ ի... Հե-  
տագայում լուծվեց այս խորհրդավոր հանելուկը. պարոն  
Արշակ Մանդարուռյանը, նույն ինքը՝ Արշակ Մանթակունին,  
Պոլսում, տարիներ շարունակ Շիշլիի գերեզմանատան գիշե-  
րային պահակ է եղել...

Շրջում է երիտասարդությունը փողոցից փողոց. բարակ  
բեղերը սրած, խոսում է՝ երբ հարկավոր է պետք եղածից  
բարձր, մաքո՞ւր, «գրաբա՛ր»...

— Էտ հանքամանք ուրի՛շ հանքամանք ի, ջանըմ...

Կամ՝

— Թեքնիք հարմարություններ չըլլալուն պատճառով տղեն ներս ի առե...

Կամ՝

— Հին սերունդը բաթմիշ էլավ, ջանը՛մ, պան կա՛ տրամաբանի՛...

— Բոշ թատողությո՛ւն... տղա՛, առ ի շքոյե՛ էն էլ մարդ ի՞..

Մանդարուռյան պարոն Արշակի գալու նրրորդ օրջ մեր թաղը պատիվ ունեցավ նրան տեսնելու. այգու դռան վրա դրացի կանայք նստած խոսում էին վանաղան ասորյա նյութերի մասին, երբ հանկարծ ներսից դուրս ընկավ տան կենսավորներից Փայլածու դուղուն և շնչասպառ հալտնեց.

— Մանդարուռենց տղեն...

Բոլորը մի բուպեում թռան սալոն. ես, որ մինչև այդ դրադված էի «փուլ» խաղալով, վաղեցի նրանց հետևից:

Փողոցի մեջտեղով դնում էր մի երիտասարդ: Նրա փողկապը վարդագույն էր և մի քանի անգամ դարձված էր վեր ու վար. երևի նրա այդ փողկապից կարելի էր հինգ հատ սովորական փողկապ պատրաստել, բայց մեծ տպավորություն թողեց բոլորի վրա նրա արտառոց փողկապը:

— Քա՛... քոավաթին տես... կծիրանկտա...

— Սհաթի «քորդոն» ոսկուց ի...

— Ի՞նչ կիտես...

— Կերես...

Մինչ այս, մինչ այն, երիտասարդը առանց շուրջը նայելու, աչքը հստած մի ինչ-որ հեռու կետի, երազի նման անցավ բազմաթիվ հետաքրքիր նայվածքների միջով և մտափոխվեց Բուռնաղենց փողան:

— Քա թահմին շարինք, դաշնա՞կ էր, թե հնչակ...

— Դաշնակ էր, ես տեսա...

Ինչի՞ց սկսեք էր գուշակել որևէ մարդու կուսակցական պատկանելությունը, ես հետո իմացա: Պարզվեց, որ այդ կարելի է իմանալ «Ֆես»-երի դրվածքից. դաշնակցականներն իրենց ֆեսերը թեքում են դեպի «պուճուճակ» ծոծրակը, հըն-

շակները՝ դեպի ականջը, իսկ արմենականները՝ դեպի ճակատը...

Հետագայում Մանդարուռենց տղի մասին ես հետաքրքիր նորություններ լսեցի. նա սյարտագրել է իր քրոջը՝ վար առնել շարշափը և փողոց դուրս գալ «վելո»-ով. սա մի շտեմնաված աղմուկ բարձրացրեց պահպանողական շրջաններում: Իսկ արմենականների մեջ Մանդարուռենց «թիլո»-ն դարձավ ծաղրու ծանակի առարկա. ընդամենը տասը տարի է, ինչ բաժանվել է իր հայրենիքից, իսկ Պոլսում եղել է ոչ ավել, ոչ պակաս, քան Շիշլիի գերեզմանատան պահակ, նա՛ Մանդարուռենց «թիլո»-ն ցուլց է տալիս, որ ամեն ինչ մոռացել է: Այսպես, օրինակ, առաջին օրը, երբ հոր՝ Մարկոս աղայի հետ նստել է սաքու շայ խմելու, նա նայել է դեպի արևելք և քթի մեջ հարցրել է.

— Ա՛յս լեռները ի՞նչ լեռներ են...

— Վարագա սարն ի, բալամ,— պատասխանել է Մարկոս աղան և խորին երանությամբ նայել է իր կնոջ՝ Նոյեմդարի դեմքին...

Թեև այս իրողությունը Տարջուլյան Հմայակը պատմեց՝ պարոն Մկրտչին, ծաղրելու նպատակով Ստամբուլից եկած Մանգարուռյանին, բայց ինձ վրա թողեց բոլորովին ուրիշ տպավորություն: Ես սկսեցի երազել այն երանելի օրն ու ժամը, երբ ես էլ տասը տարի Ստամբուլում ապրելուց հետո կվերադառնամ վան, Սուրենի, Խորենի, Վարդանի հետ տանիք կբարձրանամ, կնայեմ դեպի արևելք և կասեմ.

— Ա՛յս լեռները ի՞նչ լեռներ են...

## 14. ԶՈՒԼՀԱԿՆԵՐ

Ես մինչև հիմա դեռ լսում եմ նրանց մաքոքների ձայնը...

Նրանց պատուհանները նայում էին ուղիղ մայրիկանդ տան դրսի բակի վրա (կար նաև ներսի բակ): Վաղ առավոտից լսվում էր նրանց «չրխկ-չրխկ»-ը, գործում էին նրանք, կտավ էին գործում և փռում էին տափակ կտուրներին, արևի տակ շորանալու:

Երբ շորանում էին կտավները, հավաքում էին, կարմիր ներկում և այս անգամ երբ փռում էին տանիքների վրա, տանիքներն ստանում էին տոնական տեսք:

Ինչպե՞ս պայծառ եմ լսում ևս նրանց մաքոքների ձայներ...:

Այնտեղ, հորերի առաջ, աշխատում էին մոտ քառասուն բանվորներ և մի բանվորուհի. Քինո էր կոչվում այդ ածուխի պես սև մազերով և կաթի նման սպիտակ դեմքով աղջիկը:

Նա հակերն էր փաթաթում և երգում էր.

«Աշունն էկավ, թափավ կազալ,  
Իշխանն էկավ՝ ձեռք մալուզար»:

— Քինո՛,— կանչում էր բանվորներից մեկը,— դու վի՞ր կառնես...:

— Վարպետ Քրիստոստուրին,— պատասխանում էր Քինոն՝ համարձակ և կշկշան ծիծաղով:

Վարպետ Քրիստոստուրը, մոտ 60 տարեկան մի պատկառելի բանվոր, նայում էր ալեխառն հոնքերի տակից, ժպտում էր բարի ժպիտով և ասում.

— Միք գյավազանա, գործ արեք... Քինո, էլա՛ աղընջներդ կկտրեմ...:

Ես բարեկամություն հաստատեցի բանվորներից մեկի հետ: Այդ պատահեց այսպես: Մի մեծ տանձ ձեռքիս անցնում էի ջուլհականոցի առաջով, գլուխս դռնից ներս կոխեցի՝ և նայեցի. ևս շատ էի ուզում ախանատես լինել մի կտոր կտավի սկզբից մինչև վերջ գործելու աշխատանքին:

— Հեյ գիդի Աճմոնց Քրիքորի տղա,— լսեցի ևս ներսից և վատահարար մոտեցա ինձ ճանաչող ջահել ջուլհակին:

— Ես քե տանձ կտամ, թող նստեմ կողքիդ:

— Նստիր,— պատասխանեց ջուլհակը,— նստիր, տանձրդ էլ կեր...:

— Զէ, տանձը քեզ,— առարկեցի ևս, սիրտ առած նրա մերժումից:

— Լավ, ձիկ էլնի,— համաձայնվեց նա, վերցրեց տանձը և միանգամից առողջ առամներով կիսեց դեղին և մեծ տան-

ձր: Նա տանձը կերավ մեծ ախորժակով, և այդ հանգամանքը մեծ հաճույք պատճառեց ինձ...

Նա ինձ կապեց ջուլհականոցին, այդ ջահել ջուլհակը, որովհետև ինձ հետ խոսում էր ոչ թե որպես փոքրահասակի, այլ կարծես իրեն հասակակից մարդու հետ: Հետո նա ծիծաղելի հեքիաթներ էր պատմում ինձ և հեքիաթի վրանրայ կողմերը շէր թաքցնում ինձանից: Նա մինչև անգամ մի օր իմ կարծիքը հարցրեց Քինոյի մասին: Ես անկեղծ կերպով նրան ասացի, որ Քինոն շատ լավ ձայն ունի, և որ եթե աստվածը մի օր մտներ ջուլհականոցը և երգեր, նրա նման քաղցր ձայնով շէր կարող երգել: Նա ոգևորությունից սկսեց ավելի արագ-արագ նետել մաքոքները ձեռքից ձեռք և հայտնեց, որ շուտով պսակվելու է նրա հետ: Այս առթիվ ևս նրան հայտնեցի, որ 15 տարեկան դառնալուց հետո ես էլ պիտի պսակվեմ: Նա լուրջ դեմքով ինձ հակահարեց, դռնելով, որ տասնհինգ տարեկան հասակում ամուսնանալը լավ չէ, և որ դրա համար հարկավոր է լինել եթե ոչ 17, գոնե 16 տարեկան: Ես առարկեցի, որ այդ ժամկետն ինձ համար ոչ թե ես, այլ տատս է նշանակել, և որ ես ավելի շուտ աստծուն և Հիսուսին կվիրավորեմ, քան իմ տատի ընդունած որոշումը կխախտեմ...

Ջուլհականոցի տերը՝ Հակոբ աղան, կամ, ինչպես նրան կանչում էին, Ակրաղան, մի ուռած դեմքով, հաստ, սրած բեղերով մարդ էր. ես դեռ մինչև հիմա նրա բեղերի շափ կրկար բեղ շեմ տեսել: Նա կանգնում էր դռների մեջ, սրում էր բեղերը մերթ դեպի վեր, այդպիսի դեպքերում բեղերի ծայրերը հասնում էին մինչև ճակատը, մերթ ուղղահայաց, քաշելով մինչև ականջները. սրելուց հետո նա ոլորում էր քթի երկու կողմերի վրա կոր գծով և խռպոտ ձայնով մի քանի նկատողություն անելուց հետո հեռանում էր:

Իսկ ջուլհականոցի հյուսիսային կողմի պատուհաններից ավելուկների և տուղտերի զվարթ խմբերը ներս էին նայում և, մաքոքների համաչափ տակտին բոլորովին հակառակ, օրորվում էին, օրորվում էին դանդաղ ու անկանոն, կարծես ստիպված, ակամա...

Մի օր էլ ես նստել էի իմ սովորական տեղը և նայում էի

գործվող կտավներին: Սկսվեց նրանից, որ ջուլհակներն սկսեցին ձեռք առնել Ակբաղին, իհարկե, նրա բացակայութեամբ:

— Քինո,— մաքոքների աղմուկի միջից իր ձայնը լսելի դարձնելու համար բարձրաձայն կանչեց Աբելը,— Ակբաղի բեղերը որ քե տային, ի՞նչ կանիր:

— Կնկադ համար թաթ կգործի...

— Ես թոռ կշինի, քե կրոնի,— ասաց իմ ծանոթը Քինոյին և շիկնեց. Քինոն նայեց նրան ու ժպտաց մի տնայնագործական կոկետութեամբ:

Այդ միջոցին ներս մտավ ըստ երևույթին Հակոբ աղայի ծառան և Քինոյին ինչ-որ բան ասաց ցած ձայնով: Քինոն, դուխը թափ տվեց բացասարար և սկսեց ավելի արագ-արագ ծալել. ծառան մի բան էլ ասաց և, ուսերը շարժելով, գնաց. իմ ծանոթը, որ մինչ այդ անհամբերութեամբ հետևում էր նրանց շարժումներին, նրա գնալուց հետո հանդստացավ և սկսեց երգել:

Էլեք, տե:տեք, ո՞վ է կերի գէժ,

Էլան, տեսան գելն էր կերե գէժ...

Դռների մեջ ելևաց Ակբաղան:

— Քինո՛,— կանչեց նա, առանց Քինոյի կողմը նայելու:

— Ի՞նչ,— պատասխանեց Քինոն, ընդհատելով ծալելը:

— Զահնմվի տուն՝ քիչ աշխատի:

— Զե՛մ,— համառեց Քինոն,— իմ աշխատանք էստեղ ի...

— Տուն ջահնմվի քե կասեմ, օոոսպի...

— Քո կնիկն ի օոոսպին, քո մերը, սրիկա՛, ի՞նչ ևս կպիւ ջահել աղջկա ջանից... միտքդ ի՞նչ է...

Այս ասաց իմ ծանոթը և ընկավ Ակբաղի ու աղջկա մեջ:

— Վա՛յ ես քո...— մոնչաց Ակբաղան և առաջին իսկ դադգահի վրայից վերցնելով երկաթի մի կտոր՝ շարտեց դեպի Քինոյի պաշտպանը. մի բռպե ոչ ոք չիմացավ ինչ պատահեց և ինչ պետք է անել. երկաթի կտորը անցավ երիտասարդ ջուլհակի ուսի վրայով, և հանկարծ լավեց Քինոյի սուր ճիշր: Նա ընկավ գետին պատռված ճակատով:

Հանկարծ բոլոր մաքոքները լռեցին:

Քինոյին դուրս տարան, տարան տուն, իմ ծանոթն էլ հետը:

Երեք օր ամբողջ ջուլհականոցն անհանդիստ էր, մաքոքներն առաջվա պես շէին թռչկոտում, ինչ-որ ջղալին անհանգրստությունը բռնել էր ամենքին, մինչև անգամ ինձ, իսկ պատուհանների տակ ավելուկներն ու տուղտերն ավելի անհանգիստ էին օրորվում, ավելի կասկածով:

Իմ ծանոթը ոչ միայն ինձ հետ, այլև բոլորի հետ դադարեց խոսելուց: Նա գործում էր, գործում էր մեքենաբար և հաճախ անհանդիստ հայացքով նայում էր դեպի դուրս, երրորդ օրը ես սիրտ արի հարցնել Քինոյի առողջության մասին. նա հաղիվհաղ պատասխանեց.

— Քա՛ւււ էլ Քինոն երգի՞...

Չորրորդ օրը ես լսեցի, որ Քինոն մահացել է: Ըստ շփացի ջուլհականոց, շտեմանելու համար իմ ծանոթի վիշտը, բայց ճաշից հետո շհամբերեցի և գնացի. իմ ծանոթը գործում էր, կտավ էր գործում, և մաքոքները թռչում էին ձեռքից ձեռք, թռչկոտում էին և ոստոստում:

Դռների մեջ երևաց Ակրաղան. նա ձեռքով արեց, որ թողնեն գործելը. բոլորը լռեցին:

— Քինոյին վաղ պիտի թաղեն, վաղ կիրակի ի... Եկեք բոլորդ հուղարկավորության. ձեր սլարտքը կտտարեք... ծախսերը ես առի վերես... Սեդրակ, — դարձավ նա իմ ծանոթին, — դազդահիցդ շորս արշնի շափ կտավ կտրի...

Բոլորը սարսռացին վրեժխնդրության այս հրեշավոր ձեվից. Հակոբ աղան ուզում էր Քինոյին թաղել իր սիրած տղայի ձեռքով գործած կտավի պատանքով...

Սեդրակը շարժվեց ձուլածո բրոնզի պես, շափեց կտավը, կտրեց և ընդհանուր լռության մեջ շարժվեց դեպի Հակոբ աղան և պարզեց նրան սպիտակ կտավը:

Բոլորն էլ կարծում էին, որ մի վատ բան պիտի պատահի. Հակոբ աղան գունատվել էր իր ձեռքի կտավի պես... բայց Սեդրակը նույն հանգստությամբ ետ դարձավ իր տեղը:

Նույն գիշեր, երբ ես հանգիստ քնել էի տատիս հետ, տատս ինձ զարթեցրեց.

— Գուրի՛ս, Գուրի՛ս, յա՛նկուն ի...

Սա շգիտեի յայանկունն» ինչ բան էր, բայց երբ աչքս բացի և սենյակը լուսավորված տեսա կրակի լույսից, հասկացա...

Սա վազեցի դեպի պատուհանը. ջուլհականոցը շրջապատված էր կրակե լեզվակներով:

## ՎԵՐՋԱԲԱՆ

... Եվ օրերը հեռացած,  
ստվերների պես ծածան  
կնստին սրտիդ.—  
մանկություն իմ ոսկեծամ,  
մանկություն իմ, որ անցար  
ևոր ցանած արտից:  
(«Երեմբ բարդի», Գ. Մ ա հ ա ռ ի)

Քաղաքը, որի մասին գրեցի ես, և ուր անցավ իմ մանկությունը, աշխարհագրական քարտեզների վրայից չի անհետացել: Նա կա, նա ապրում է, նրա փողոցներում գուցե այս րոպեին էլ մանուկներ են խաղում: Քաղաքը, որի մասին գրեցի ես, և ուր անցավ իմ մանկությունը, հաճախ, շատ հաճախ, դառնում է ուղեղիս մեջ մշուշային գծերով, ժպտում է, պարզվում, ուզում է խոսել ու խոսում է.— «Դու հիշո՞ւմ ես ինձ»,— հարցնում է նա:— «Հիշում եմ,— պատասխանում եմ,— հիշում եմ ո՛չ թե նրա համար, որ աշխարհիս երեսին գոյություն չունի քեզանից ավելի գեղեցիկ քաղաք, օ, ո՛չ, հիշում եմ, որովհետև դու միակ քաղաքն ես, ուր անցավ իմ անկրկնելի մանկությունը, և նա էր, այն գանգրահեր մանուկը, որ գեղեցկացրեց քեզ...»: Հետո հարցնում է նա.— «Ո՞ւր է տատիկդ, նրան դու մայրիկ էիր ասում, իսկ նա քեզ «Զամբիլ-Տրոշ» էր պատմում»:— «Նա կորավ գաղթի ճանապարհին,— պատասխանում եմ ես,— նրանից հետո դեռ մինչև հիմա էլ, երբ ես հանդիպում եմ պառավ մուրացուհիների, մի րոպե կանգնում եմ և ուշադրությամբ զննում նրանց դիմագծերը, գուցե, մտածում եմ, ապրում է իմ տատիկը, հույսը

կտրել է, որ մեզ կգտնի, և մուրացկան է դարձել... Ես գիտեմ, նա շատ ուրախ կլինի, ինձ տեսնելով:— Ո՞ւր է,— կասեմ ես նրան,— իմ տասնհինգ տարին վաղուց է անցել, իսկ ես մինչև հիմա դեռ ոչ մի անգամ կարգին չեմ ամուսնացել... Իսկ հիմա,— կասեմ ես նրան,— միասին նստենք «շրմբնոր-Ֆրո» ու գնանք Լենինական... Ես նրան կնվիրեմ իմ գրքերից մի-մի օրինակ և կխնդրեմ, որ նա մի անգամ էլ պատմի «Զամբիլ-Տրոշ»-ը. տեսնենք՝ կարո՞ղ է ինձ լացացնել...»

— Իսկ ո՞ւր է Նադելին,— հարցնում է նա:— «Նա ապրում է Սևաստոպոլում,— պատասխանում եմ ես,— իմ խմբի զինվորներից Գառնիկը՝ նրա փոքր եղբայրը, կոշկակարությամբ է զբաղվում և պահում է ամբողջ ընտանիքը: 24 թվին ես լսեցի, որ Նադելին նշանվել է մի պրոֆմիության անդամի հետ»:

Եվ ապա այն քաղաքը ժպտում է ինձ հրապույտից զրբկված սլորուհու նման, համառորեն կախվում է ուղեղիս թելերից և շի ուզում հեռանալ.— նրա մշուշում Իշխանն է անցնում մաուզերը ձեռքին, Հյուսեյն փաշան մտնում է Շահաբաղցյանհնց տուն խնջույքի, իսկ Նադելին քա՛հ-քա՛հ ծիծաղում է ինձ վրա.

— Իշխան իմ հոր դուստն ի...

Հետո շքավոր գյուղացիներն են հեծեծում անցյալի կապույտ մշուշում: Անցյալի կապույտ մշուշը շի խանգարում սակայն, որպեսզի ես տեսնեմ նրանց դեմքերի վրա մտրակի կապույտ երիզները: Քինոյի հուղարկավորության կոշնակների ձայնն եմ լսում, երիտասարդ ջուհակը կանգնել է ձեռքին բռնած երկու արշին սպիտակ կտավ, հետո ջուհականոցի կարմիր բոցերը կարմիր են ներկում անցյալի կապույտ մշուշը: Անցյալի կապույտ մշուշից ելնում է քեռիս. նա կանգնում է «մեռած քաղաքի» ավերակների վրա, ծեծում է կուրծքը և հավատացնում, որ կյանք է տվել «մեծ դործին»... Փոքրիկ տատս է շտապ-շտապ գուլպա հյուսում. բարձրահասակ բարդիները խշխշում են այգու դռան առաջ, իսկ փոքրիկ Շնորհիկը նայում է իր դիմացը փռված սպիտակ ճանապարհին:

— Վերջացնենք,— ասում եմ ես,— այսքան քեղ համար

բաւական է, Ես վերջակետ եմ դնում և ուզում եմ վեր կենալ, բայց նա շար հեգնանքով ասում է.

— Դու շեւ ազատվի ինձանից, չէ՞ որ մանկությունն ամենապայծառ օղակն է մարդկային կյանքի օրերի շղթայում... Ասա՛, մի՞թե դու այնքան միամիտ ես, որ կարծում ես, թե փակեցիր ինձ հետ քո հաշիվները...

— Երդվում եմ քրոջս կորած ճանապարհով, որ փակեցի, — ասում եմ ես, — հաւատա ինձ: Դու ինձ շեւ կարող կախարդել: Ես հիմա արդեն քաղաքացի եմ, ունեմ նոր և նոր բնկերներ. նրանց հետ միասին մենք պայքարում ենք համայն աշխարհի ջուհակաների ազատազրության մեծ գործի համար: Եվ եթե ես հաճախ վատ եմ պայքարում, այդ նրանից է, որ ես դեռ չեմ սովորել կարգին պայքարել:

... Մանկություն, հեռավոր օրերի ոսկե գիրք, հեռավոր օրերի մրդաստան, ահա փակում եմ քո դռնակը, ահա փակում եմ քեզ: Ես պատանի դարձա մի պիշկյուղում, քնեցի մի օր մանուկ և դարձնեցի պատանի, որպէս մահիկ ննջեցի և արթնացա որպէս լիալուսին:

Իմ պատանեկան տարիների մասին ես կդրեմ հետո, գուցի մի քանի տարուց, գուցե մի քանի ամսից, շղիտեմ. մի բան պարզ է միայն, որ անպայման պիտի գրեմ, որովհետև այդ շրջանի հետ կապված են բազմաթիւ դեպքեր ու դեմքեր, որոնք սպասում են իրենց վրձինին և կտավին:

Իսկ հիմա լամպը մարենք և քնենք:

1928 թ. ամառ

Ստեփանավան

Հյուրանոց «Տաշիր»: